

共十本

全州志  
卷七

全州志卷之九

人物下 列女 流寓 仙釋

列女

馬氏城南馬脉女在室時脉病女割股進父疾瘥隣里聞於官淳祐十年太守朱朝散爲之立孝忱坊

蔣大姑二姑俱昇鄉蔣文德女父卒弟景潮年幼遂同心矢志不嫁扶弟成立終老於家勤于紡績置有田產至今蒸嘗罔替

蔣三姑蔣文紹女母老多疾無兄弟矢志養母終不適人至老而卒

蔣四姑蔣**珮**譽女見弟幼弱悲父老病守志不適人勤紡

全州志

卷之九 人物下

一

績以終養

袁氏陳學顏妻夫死子處原方數歲氏守志不渝姑憫其少陰使人諷之泣曰烈女不更二夫姑脫不諒當以死謝議遂寢孝養不衰永樂間旌表

余氏陳學顏弟士妻年二十五夫卒子朴生未彌月矢志不二有司將以聞氏命朴辭且曰吾待亡於此爾焉用名爲嫂袁旣受旌表一門有輝苟復爲此是競名也聞者益重之後建雙節坊

唐氏昇鄉矮嶺鄧緣勲妻景泰間苗賊劫掠勲率民拒戰遇害氏年二十八撫姪和纓爲嗣年八十卒

伍氏鄧緣熊妻熊與兄緣勲同時遇害氏年十八矢志守

節撫姪和經爲嗣年六十八卒今其後裔七葉相繼領鄉薦者十有七人稱望族焉

譚氏曹森妻年十四夫死矢志守節壽九十七歲成化間題請旌表

蔣氏進士陳珩妻年二十五夫亡無子誓死守節六十八歲卒

張氏蔣暉妻年二十八夫死守節至七十一歲卒

宋氏張徵妻年二十三夫死守節至六十八歲卒

蔣氏昇鄉歌陂蔣希敏女十歲母死十七父亡家貧二弟幼且疾誓不嫁以撫二弟壻家爲之謀婚氏曰我嫁而使弟失所萬一不幸父絕祀何忍也吾志決毋多言起居謹嚴憂勤自勵日操井白夜業女工弟長爲娶婦諸

全州志

卷之九 人物下

二

侄成立家業日裕皆其力也

曹氏孝廉袁具體妻年十七夫亡守節至八十餘卒巡按御史黃題請旌表曰偉節貞操

袁氏生員廖必懋妻年十七守節至七十六歲巡按御史蔡題准旌表

廖氏舉人唐汾妻年二十六夫亡無子家貧守節八十歲卒巡按御史孫題准旌表

陳壽姑舉人雲龍

龍省志作鶻

女年二十隨父任曲江教諭父

病危篤醫藥罔效姑默禱於天割股進父父疾頓痊事上院司給匾旌獎曰閨秀流香曰湘灘孝女

李氏陳良佐妻年十七夫死守節八十三歲卒巡按御史

黃題准旌表

蔣玉真年十七適伍守規二年規卒無子玉真欲死舅姑憂之使守規弟婦將其子寘玉真懷曰之子爲伯父嗣可乎乃謝曰幸甚卜吉迎爲子舅姑安其養

卒

袁氏蔣文妻年二十六文死矢志守貞貧養孤子年八十卒

馬氏蔣文弟輔妻歸未十稔夫死無子孀居五十七年與袁並以完節終都憲周詠以詩有要識忠貞無二道采薇詞並柏舟詩又有爭似寒閨雙節婦隱然桑濮一長

全州志

卷之九 人物下

三

城之句

文氏伍彥銘妻年十九守節至八十八歲卒

蔣氏探花舒宏志妻光祿寺卿遵箴女夫亡守節奉旨旌表建坊曰詞臣貞配

謝四姑贈奉政大夫椿女許配灌陽呂茂正未嫁茂正病歿謝聞一慟而絕救甦明日縞衣白父母請得詣其家持喪不許遂爲位朝夕哭奠不數月卒司李連繼芳旌其門曰全節

唐氏蔣季選妻季選早卒氏孝事老姑訓子獻竒成名仕新興州知州兩廣部院旌其門曰冰操榮壽年八十三卒

伍氏庠生蔣李允妻藍山知縣守恭母允年二十而卒氏  
青年守節課子成名年八十八卒

謝淑端龍安太守天命女適庠生滕愈澍明末爲亂兵所  
執誓不受辱攜二子一女投江死時年二十二

周氏儒士曹學禹妻年十八夫死守節壽八十五卒崇正  
七年奉旨旌表

唐氏舉人蔣拯世妻舉人鵬母明季變亂爲郝賊所掠當  
渡河挾氏馬上氏猛躍於河賊隨入氏奪賊佩刀自刎  
年僅三十

伍氏新寧知縣蔣維蕃妻艾年夫亡值亂離顛沛能拒侮  
守志撫孤成立年六十八卒

全州志

卷之九 人物下

四

鄧氏灌陽庠生唐納俞妻全州鄧廉維女其妹鄧氏爲庠  
生唐之夔妻明末亂兵擄閉倉中尋驅衆婦行鄧氏二  
人誓不從相持痛哭詈罵投崖下兵怒揮刀兩刃之

趙氏昇鄉石岡蔣思焮妻夫死守志奉院旌表

鄧氏舉人一鼎女適灌陽學生時正煜未十年夫亡遺子  
三時流寇猖熾粵兵四出無寧日且歲數大歉鄧拮据  
家計保撫諸孤皆得成立康熙辛酉子樞領鄉薦鄧年  
八十猶健飯巡撫題請旌表

蔣氏成化間人昇鄉矮嶺鄧和綉妻年十九夫死守志撫  
姪年六十卒

鄧氏舉人欽正姑灌陽庠生唐允隆妻年二十一夫亡生

子祚任方彌月氏哀慟曰妾不惜死其如呱呱何爲營  
祭葬如禮兒長就外傅夜必焚膏督課祚任補弟子員  
氏年七十九事上兩院題准旌表

王氏舉人鄧元禧妻明末爲亂兵所獲罵不絕口辮髮自  
經死

竇氏生員謝命官妻年十九夫亡無子撫姪承祀未幾亦  
歿氏備膺荼苦足不踰閩者數十年六十一歲卒

國朝

胡氏庠生曹國瓚妻夫亡後值明季兵荒氏偕一子三女  
入深山中卒獲保全最後子爲兵擄去氏百計贖歸教  
使讀書拮据家計四十餘年子一湛登康熙丁卯鄉薦

全州志

卷之九 人物下

五

任永安州學正

唐氏蔣持世妻年二十七夫故遺孤鵠矢志撫養後入泮  
甲寅之變鵠及長孫同日被害氏復撫次孫成立卒年  
七十三

唐氏生員蔣瑞瑚妻年十九夫亡遺腹子開照亦歿死遺  
孫三氏養訓成立州守徐表其門曰操貞福裕年九十  
餘卒

經氏蔣之颺妻年十九夫亡矢志守節訓遺子元超入黌  
序州守表其門曰貞節

宣氏庠生梁新甫妻夫死子敦峻方七歲孤苦伶仃諸艱  
備歷年逾七十猶事紡績後敦峻舉於鄉

王氏庠生廖必榮妻年二十一夫亡苦志守節課遺腹子之茂讀書補弟子員娶鄧生二子之茂及鄧復相繼死氏鞠二孫成立年七十一猶事搽作

謝氏昇鄉石岡生員蔣允袞妻年二十餘夫亡苦志守節翁姑疾氏每禱輒愈奉院旌曰貞孝格天

蔣蓮姑起虬女父母早喪弟甫四歲氏誓不適人撫弟成立擇配胡氏弟卒無子氏復續繼以接宗嗣守身玉潔數十年以壽終雍正八年建坊旌表

鄭氏唐武成妻成死於亂氏年二十二帶孕奔逃育子三雄撫以成立州守徐表其門曰藁節裕榮

蔣氏恩鄉陳啓正妻順治十三年土寇長杷手羅隱四乘

全州志

卷之九 人物下

六

亂肆虐屠啟正家艷氏美欲妻之氏携子逃脫控官鳴冤州守徐旌曰節慈允淑

案樸園志初印數部有此一條旋有隱四後裔賂吏削去今舊志唐武成妻後鄧欽正姑前所空三行是也竒禍苦貞豈容泯以滅口故補之

王氏許聘恩鄉鄧棣芳一槿一作萼未嫁夫往潯州學署省親溺

潯江死氏聞慟哭幾絕夫柩回籍卽詣柩前泣奠入執婦道求兄子承祧又早歿復鞠幼孫以延祀康熙五十年建坊旌表

雷氏蔣彥窠妻明季兵亂舅姑挈家避山谷氏於奔竄中曲盡婦道俄舅姑與夫相繼歿氏拮据葬祭辛苦備經

督課遺孤賴以成立

謝氏生員鄧裔琦妻別駕良琦姊也年二十九夫亡子斯  
續僅四歲勵志孀守苦經兵燹訓子補郡學生年七十  
卒孫佳植康熙己丑進士

曹氏謝元柱妻夫死無後氏青年守節撫姪爲嗣

鄧氏灌陽蔣經任妻年二十八夫死家貧姑老遺孤四歲  
氏養姑課子躬自操作及見諸孫遊泮年九十七卒

鄧氏唐之澄妻歸三載夫死逾月遺腹生一女以守自誓  
撫姪爲嗣茹素搽女工終身如一日

鄧氏灌陽生員又應昌妻年二十三夫亡無子撫姪爲嗣  
孝養舅姑人無間言

全州志

卷之九 人物下

七

曹氏庠生國瓚女在室時父病氏割股以進父病尋愈後  
歸金谿令謝希濂恪遵婦道子元棟孫之光之昺相繼  
領鄉薦

趙氏長鄉石鼓舉人劉士彝妻年二十五夫死遺孤五歲  
苦節撫養年七十五卒

蔣氏鄧生松妻年二十八夫死無子撫姪欽珮爲嗣己未  
僞逆構亂欽珮被擄遺孫三齡恩勤督課登己卯鄉薦  
年八十一卒

伍氏卽蔣氏媳也生子三歲夫欽珮爲兵擄去氏上奉孀  
姑下撫弱息清操苦節年七十卒

王氏鄧章甫妻年二十五夫死後子愈凱又死其媳劉氏

遺腹一子氏與媳同心鞠育年五十七卒雍正三年題  
准旌表劉氏年七十九卒督學 旌以兩世節孝  
程氏生員易彪妻彪早卒氏承夫志孝養二親教督撫子  
國輔登鄉薦已而又卒氏與媳瘳氏婺姑孀婦冰操凜  
然年六十五卒

鄧氏孝廉謝鼎鎮妻年二十四夫亡子甚幼兵荒艱苦刻  
意撫孤年七十餘卒

蔣氏生員陳大志妻夫亡撫育三子暨幼姪長子應龍季  
子紹堯同登己卯鄉薦年九十六卒

曹氏唐鎮雒妻嫁五載夫死無子撫週歲姪以嗣恩勤課  
督克有成立苦節四十年卒

全州志

卷之九 人物下

八

胡氏謝鳴玉妻年二十九夫死生於農家心曉大義若節  
撫孤年七十三卒

胡氏唐希章妻年二十九夫死子幼家貧嘗採薇蕨佐食  
冰搽不改躬勤紡績課子力農

呂氏爾吉女幼撫於羅氏爲其子帶弟妻未成婚翁死姑  
醮帶弟爲僞逆擄去氏轉徙無依乃歸母家紡績自給  
終無二志年六十卒

蔣氏唐鎮畿妻生子任藩甫三歲康熙己未逆寇鼎沸氏  
夫婦爲賊所得過大殿嶺氏乘間奮身投巖下賊謂其  
死舍去久之氏甦坐巖下泣其弟審其聲救歸而鎮畿  
已自沉於黃沙河矣氏痛夫之亡養姑訓子艱苦日守

年七十五卒任藩舉康熙戊子鄉試

唐氏蔣振魁妻年二十九夫死無子守節不二撫姪繼嗣  
年四十五卒

蔣氏謝士標妻年二十五夫死氏奉舅姑撫弱于年五十  
五卒

督氏鄧汝揚妻年二十九夫死無子撫姪爲嗣孝養舅姑  
孫逆之變播越山谷間五六年卒完其節年七十九卒

孫林藻貢生桂武舉梓廩生

陳氏伍士楷妻年二十七夫死氏守志教子啓能應雍正  
二年歲貢

蔣氏唐在治妻年二十六夫死生子僅三月矢志撫養年

全州志

卷之九 人物下

九

七十七卒

王氏丁啓宗妻年二十七夫死守節不二

張氏監生方峴甫妻年二十四夫死守志不二奉姑教子  
年五十一卒

唐氏王作楫妻年二十三夫死生子僅半歲守志撫孤終  
身不二

謝氏曹增麾妻年二十二夫死守志不二撫姪繼嗣

蔣氏唐啓甲妻年二十四夫死無嗣氏守志不二撫姪承  
祀年七十五卒

舒氏蔣時登妻年二十七夫死生子甫半歲家甚貧守志  
不二以壽終

趙氏唐內文妻嫁未期月夫死守志不二孝養舅姑撫姪  
爲後乾隆四十四年奉旨旌表入祠

經氏唐之瑜妻年二十七夫死矢志守節孝養舅姑子一  
傅貢生一傑一粉中武舉氏卒年八十一

唐氏蔣則坤妻年二十四夫死孝養舅姑督課幼子尙虬  
後以歲貢任武宣教諭

謝氏庠生曹樹屏妻年二十八夫亡一于甫兩月守志不  
二孝養舅姑詳見藝文

滕氏唐裔炳妻嫁未期月夫死年僅二十守志不二撫姪  
爲後

江氏生員鄧成綺母年二十五夫死守節始終如一

全州志

卷之九 人物下

十

蔣氏譚士廉妻年二十九夫死守志不二

劉氏鄧愈亮妻年二十六夫死撫姪繼嗣清操不易

劉氏謝用卿妻夫早卒子幼守節不二

胡氏蔣天錫妻貞女蓮姑弟婦年二十三夫死與蓮姑冰  
玉相倚事必請而後行躬親勞苦五十餘年孫人杰領

鄉薦奉 旨旌表

張氏臨桂進士張汝賢女大田監生鄧方華妻嫁五年夫  
亡啣哀守志孝姑教子雍正五年建坊旌表卒年六十  
三歲子植鬢庠生

尋氏提標營兵鄭雲母年十八歸鄭事舅姑以孝聞未幾  
夫病經年卧牀褥氏以針黹供藥餘卒不起蕭然四壁

附身無辦乃抱尸哭聲淚并絕聞者憐之助其棺殮鄭  
故寒族無菘功親三年後有勸之改適者氏苦守彌堅  
雖詩禮家無愧焉

謝氏萬鄉龍水蔣振聲妻年二十二夫死無子撫姪承祧  
貧窶無依女紅餬口守志不二三十餘年

唐氏萬鄉蔣宸秀妻年二十四夫死一子甫週未幾亦死  
氏孀居勵志紡績自資現年七十餘

吳氏萬鄉唐正文妻農家女農家婦也年二十八夫死無  
子舅姑父母憐其少且貧欲令他適氏不可乃撫姪承  
祧躬勤操作現年八十餘

蔣氏在城降原隅廖士甲妻年二十七夫死未幾舅姑繼

全州志

卷之九 人物下

十一

死叔弱子幼氏獨襄大事殯葬盡禮現年六十五

蔣氏廖士甲弟士陞妻年二十六夫死守志撫孤現年五  
十三歲人欽一門雙節

鄧氏萬鄉龍水蔣理秀妻年二十四夫死孝養舅姑教撫  
子振森得補州庠現年八十

秦氏恩鄉白水底唐仲金妻年二十一夫死守志不二媳  
劉氏其子一鵠妻年十九夫死守志奉姑勤育幼子並  
年八十餘卒乾隆十八年題准旌表

王氏恩鄉白水底唐宗介妻年二十五夫死守志奉舅年  
五十七卒

唐氏恩鄉欽瑞原藁無姓妻年二十一夫死守志撫孤艱窶萬

狀年五十二卒

鄧氏恩鄉白水底唐植梅妻年二十二夫死遺腹一子守志鞠育現年四十八

伍氏恩鄉田美村劉士模妻年二十四夫死備極艱辛撫孤成立生平笑言不苟乾隆二年建坊旌表

蔣氏恩鄉大井頭王之瑜妻年二十六夫死守志養姑年七十三卒督學張旌以節孝可風

倪氏江右人陳子韜妻住西關外年二十二夫死事姑鞠子苦節不二現年六十餘

唐氏恩鄉塘背陳光時妻解元時梗女年二十四夫省父懷集學署觸暑死氏忍死孝養祖姑及舅姑皆得歡心

全州志

卷之九

人物下

十二

撫猶子枚承祀恩勤教督領乾隆癸酉鄉薦現年七十

一

鄧氏恩鄉塘背陳光憲妻舉人毓英女年十九夫死矢志不二姑卧病牀褥周旋奉事十有餘年撫猶子浩承祀

中乾隆丁卯武舉現年五十八

蔣氏恩鄉塘背陳京乙妻年二十二夫死勵節禦侮勤撫藐孤孝養祖姑及姑年七十九卒

庾氏恩鄉唐時俊妻夫死食貧鞠幼苦節數十年康熙壬辰州守沈旌曰節昭彤管

唐氏昇鄉蔣天被妻年二十九夫死守志八十一卒督學張旌以冰心亮節

伍氏天被弟舉人蔣世楨妻年二十七夫卒矢志不二現年六十九

鄢氏昇鄉蔣文竒次媳年十一夫擄於兵苦守三十餘知夫不歸乃爲夫立嗣守志不二年七十五卒督學張旌以竒節維風

唐氏昇鄉蔣以宣妻年二十四夫死子甫三月辛勤鞠育現年六十六

鄧氏昇鄉生員蔣汝銳妻年二十六夫死孝養老舅守志孀居現年五十六

劉氏萬鄉橋渡生員謝清妻年二十夫亡守志不移事姑孝敬撫姪承祀現年五十二

全州志

卷之九 人物下

十三

饒氏長鄉百福村蔣尙璘妻年二十五夫死守志年八十二卒

唐氏降原隅州學生俞宣妾年二十二宣夫妻繼亡子焯生甫三月嫡女亦幼氏守志撫鞠俱各成立年五十卒焯中乾隆己未武進士孫廷舉營山知縣貶贈孺人謝大姑宜鄉水頭趙正映妻年二十餘夫死守志撫孤年六十三卒

謝二姑萬鄉橋渡謝振鏞女幼許聘昇鄉大垵貢生竒棟子未嫁壻死無何父母俱物故女泣曰吾何以生爲遂不食而死督學旌曰室女完貞

蔣氏昇鄉鶴岡唐汝士妻年二十夫死撫子承祧年七十

餘卒

劉氏宜鄉水頭趙錫圭妻年二十五苦志撫孤四十四年  
其子汝益妻蔣氏年二十二守節教子四十年學憲張  
旌以兩世節孝

梁氏宜鄉水頭生員趙汝南妻年二十三夫亡守志撫孤  
四十年

李氏建鄉仰田生員蔣榮智妻年二十五夫亡守志撫孤  
現年七十四學憲張表以苦節成孤

劉氏宜鄉梅塘趙杞妻年二十四夫死守志撫孤年六十  
六卒

蔣氏武生王文燦妻年二十七夫死一子早夭忍死守志

全州志

卷之九 人物下

十四

孝養舅姑現年七十餘

伍氏蔣延澎妻舅死姑改適氏從其夫依焉年二十夫死  
遺腹一子姑百端逼抑終不二志攜子歸宗女紅餬口  
現年六十餘

伍氏蔣維祿妻年二十三夫死守志撫孤年百歲卒督學  
胡旌以守志貞算

蔣氏昇鄉鶴岡生員唐志鵬妻年二十二夫亡一子僅三  
月食貧作苦守志不移督學張旌以節凜冰霜

蔣氏昇鄉鶴岡生員唐鎮蒲妻年二十夫亡茹蔬教子不  
改貞操督學官旌以湘管流徽

經氏生員蔣期昌妻年二十四夫亡值時顛沛保節成孤

年七十餘卒

陶氏蔣期昌弟茂昌妻年二十六夫□□經氏同心守志  
視姪若己出歷久不渝

黃氏在城西隅曹鳴科妻年二十四夫死撫子承祧現年  
六十三

王氏昇鄉大崗蔣汝鑾妻夫邁重疾勤侍三載年二十四  
夫死撫子承祧現年六十五

張氏宜鄉黃沙田蔣竒穎妻年二十四爲吳逆兵擄挾之  
馬上氏義不辱躍馬下數四且躍且詈遂被害

馬松青恩鄉金堂寄居建鄉牛斗江馬一舉女幼許聘宜  
鄉車頭王正勉年十八壻死馬聞訃慟絕明日衰經請

全州志

卷之九

人物下

十五

於父母願詣壻家兩家委曲百諭不可乃聽守志孝事  
舅姑撫子承祀現年五十五

唐氏宜鄉黃沙田蔣全良妻年二十二夫死苦節育孤孝  
養姑舅年七十五卒

趙氏宜鄉黃沙田蔣全柱妻年二十五夫死孀居教子拮  
据兵荒年八十四卒子彥領辛卯鄉薦

蔣氏宜鄉余竒光妻年二十六夫死守志不二撫姪承祧  
年九十一卒

唐氏萬鄉龍水蔣卓秀妻年二十六夫死撫子承祧累撫  
累死歎曰蔣氏其終絕乎卒立嗣氏年八十二卒

曹氏在城北隅生員蔣楷妻年二十三夫亡僅一週歲子

守志撫教現年五十三

文氏萬鄉龍水監生蔣偉秀妻年二十七夫亡守志撫孤  
現年七十二

蔣氏鄧道曉妻年二十一夫死一子未週守志撫育現年  
七十

唐氏萬鄉龍水蔣彥興妻年二十五夫死守志不二撫姪  
承祧年六十卒

蔣氏萬鄉富貴崗唐在治妻年二十二夫死守志撫孤年  
七十有七卒

萬氏民間女父客死于全母張無子賃居萬鄉龍水村氏  
嫁本村蔣遵林年二十七夫死子方三歲母憐其少勸

全州志

卷之九 人物下

十六

之改適氏間曰母何以不嫁曰人各有志氏曰母有志  
兒獨無志乎且母無子尙然何況兒有子也日紡織自  
供子稍長督其樵採並以紡織所積爲娶婦年六十餘  
卒

甯氏萬鄉龍水蔣琰秀妾年二十二琰秀夫妻繼亡氏經  
營喪葬教育二子現年五十

文氏萬鄉龍水蔣珍秀妻年二十六夫死甘貧守志撫姪  
承祧後二十年子婦相繼夭折氏撫育孤孫備極辛苦  
數十餘年年六十餘卒

唐氏昇鄉長塢生員蔣世麟妻年二十七夫亡守志撫孤  
辛勤禦侮現年六十六

唐氏在城西隅舉人曹仟妻年二十五夫卒遺孤甫週氏忍死奉姑教子成立冰心勁節三十餘年

滕氏在城北隅忠秀女年十二爲宜鄉樓田唐澧養媳未婚而夫士榎死舅姑憫其少諷令改適氏泣血死守身代子職撫子承祀苦節五十年督學旌其門曰潔比湘源

王氏樓田唐心沂妻年二十夫死遺孤週歲苦志撫鞠年七十卒

趙氏昇鄉白田生員蔣錦紱妻年二十八夫亡氏苦志撫四歲遺孤成立入泮後子亡媳亦繼歿一孫在襁褓氏復鞠育成立及見曾孫光烈光熊相繼入泮年八十六

全州志

卷之九 人物下

十七

卒

蔣氏宜鄉南宅趙聯縉妻年二十四夫死苦志操作教育三歲遺孤成立入泮年七十二卒

姚氏宜鄉白塘趙時藺妻年十八夫死守志不二孝養舅姑撫姪承祧現年五十一

鄧氏恩鄉唐士玠妻士玠以父正發賫馬中丞血疏事爲孫延齡所戮氏年十七聞變欲死因念姑因夫戮而自經伯以舅故而逮繫家禍未知所底唐氏一綫惟有夫七齡幼弟乃攜匿母家長齋奉佛事寧迎歸立嗣承祧年六十四卒

易氏唐世寧妻姑王氏邁重疾轉側需人氏藥餌扶持曲

盡調護二載姑歿未幾夫亦死氏年二十六遺孤三齡家徒四壁氏勤紡績以佐饘粥教子廷价成立入泮現年六十餘

鄧氏恩鄉唐運觀妻嫁年餘而夫死憫姑老病忍死盡養現年六十五歲

蔣氏唐廷元妻年二十夫死未幾遺腹生一女氏曰吾望絕矣將死之姑委曲開諭乃奉姑育女撫姪承祀現年五十三

唐氏陳培岐妻年二十一夫死冀遺腹生男忍死以俟既誕女也撫膺大慟舅姑曲解之乃強起進食鞠育孤女撫侄承祀年五十六卒

全州志

卷之九 人物下

十八

蔣氏恩鄉黃國相妻年十九夫死氏苦育遺女撫子承祀孝事舅姑勤于定省嘗割股愈舅病督學張旌曰節孝可風現年八十餘

唐氏在城西隅監生周之棠妻年二十七夫死守志奉姑鞠育二子年五十卒

蔣氏昇鄉井頭唐守通妻年二十五夫死守節撫孤明季被賊擄不辱死郡守表其門曰名門白璧子學瑒歲貢生孫德運雍正癸卯恩科舉人

蔣氏昇鄉磔口生員唐運暉妻年二十六夫死守志食貧撫育二幼年七十五卒長子士珏中雍正乙卯副榜孫遷儀中乾隆丙子解元

羅氏昇鄉石岡蔣彥澤妻年二十六夫死家貧苦鞠二子誓不二志年八十四卒

蔣氏昇鄉井頭唐學倫妻年二十五夫死夫兄學德欲奪其志氏抗節不二年七十卒

蔣氏昇鄉尙禮宅唐陞三妻年二十二夫死遺孤半歲歿死氏守志愈堅撫姪承祧現年六十

蔣氏尙禮宅唐美焰妻年二十一夫死遺孤半歲氏零丁孤苦勤紡績以養雙親育幼子年八十四卒

蔣氏尙禮宅唐利甲妻年二十二夫死遺孤半歲氏因子幼請于舅姑乞兄子以爲長子撫育備至督學張表其廬現年六十二

全州志

卷之九 人物下

十九

楊氏昇鄉陶國龍妻年二十八夫死撫育二子年六十猶勤女事

陶氏尙禮宅唐必遠妻年二十二夫死遺孤三歲辛勤撫育孝養老姑現年六十

蕭氏建鄉石脚村人年十五父正芳死念母抱痼疾弟甫五齡守貞自誓竭力奉母生事死葬盡其心力弟長爲娶婦甫生一子夫婦繼歿保抱孤姪教養備至竟得成立年五十五卒

唐氏幼許聘同鄉王上植未嫁而上植死氏聞訃慟絕斷髮自誓孝事父母督二弟力農紡績白衣專心奉佛現年六十二

庠生謝政妾楊氏臨桂人政納爲側室居五年政病革諷令改適氏年二十三剪髮自誓守志二十年卒戚黨稱其苦節

王氏舉人謝元棟妻巴陵令恩鄉王惇臨女也年二十九夫卒子之光纔七歲苦志訓迪登康熙癸巳鄉薦改上思州學正以終養歸氏鮐顏鶴髮安受奉養年八十卒謝氏長鄉俞亮言妻年二十八夫死誓不二志撫姪承桃現年七十五

謝氏宜鄉趙正官妻年二十夫死歸依母氏抗志不移年六十卒

蔣氏萬鄉生員謝之焯妻年十八夫亡鞠育孤女撫姪曰

全州志

卷之九 人物下

二十

增爲嗣矢志靡他年五十五卒

劉氏閩人也年十四爲謝之軒妻年二十八夫死遭亂瀕危卒能完節教子成立年九十餘卒

翟氏總兵官陽朔應貴女西隅舉人蔣其莊妻生一子夫卒遺腹一子氏年二十六時值離亂無期功可依倚未幾長子死氏矢志益堅撫次子成立苦節數十年卒

王氏謝獨翔妻年二十九夫死苦節撫孤年八十二

蔣氏謝芳名妻雲南蒙自令紹桃女也年二十七夫死守志不移撫姪爲嗣現年六十三

黃氏謝文遴妻年二十九夫死姑老家貧遺孤二歲紡績辛勤周佐饘粥現年六十三

李氏謝樹楷妻楚產也年二十八夫死守志不二現年七十四

馬雪青恩鄉金堂馬佐臣女幼聘于同鄉王炳祿年十六炳祿凶問至雪青欲奔喪父母難之乃泣曰女不幸命也縱父母憐而留我我何面目復聘他門乎父母不得已強與俱拜靈前如禮進拜姑雪青哭姑亦哭且哭且慰遂執婦道代子職擇姪承夫祀云

唐氏昇鄉大垵蔣錫科妻夫早亡二子俱幼有迫以改適者面唾之竟守其志教二子一明經一弟子員州守沈旌曰節媿松貞年八十三卒

唐氏馬宏則妻嫁未幾而夫死舅姑憐其少欲使改適則

全州志

卷之九 人物下

廿一

泣曰婦所以不死者徒以有舅姑在耳脫強婦將不得長侍膝下矣乃聽之撫姪承祀督學官旌曰貞心天植現年五十一乾隆四十四年奉 旨旌表子壽世庠生蔣氏宜鄉閭家村生員羅國樑妻年二十四夫亡一子亦死隣婦謂曰子何恃而能守耶氏曰吾不忍吾去而竟斬夫祀也乃撫姪爲嗣事舅姑不少怠云

唐氏建鄉君馥女幼聘于同鄉蔣含舒之子未嫁蔣子死氏將奔喪父母挽之不聽去無何含舒夫婦俱死女嘆曰吾何歸乎乃縞素終身誓不另聘現年及七十

唐氏恩鄉金堂馬啓勝妻年二十三夫死鞠育幼子守志不移現年五十八

胡氏大岡蔣汝暹妻年二十四夫死子幼家貧舅姑命改  
適氏不可未幾子天或以爲無復可倚氏矢志愈勵撫  
姪承祀現年五十餘

趙氏恩鄉馬一倫妻年十八夫死姑老子幼矢志食貧現  
年六十餘

馬大姑金堂馬一基女許昇鄉蔣氏子未婚蔣氏子死氏  
告父母願與弟共養二親以成己志勤女工助弟缺乏  
現年六十五

唐氏金堂馬一呈妻年二十八夫死守志不移教子成立  
現年七十四

黃氏昇鄉諫山唐元福妻年二十四夫死二子俱幼食貧

全州志

卷之九

人物下

廿二

苦守孝事舅姑署州守王旌曰白首完貞年六十八卒  
唐氏昇鄉鄧承毅妻年二十七夫死守志不二年逾七旬  
猶事女工年八十一卒

伍氏昇鄉生員鄧惟拯妻年二十九夫亡遺一子及遺腹  
子氏茹荼自勵鞠子成立年八十九卒

黃氏昇鄉鄧子鼎妻年二十六夫死家貧守志孝養公姑  
年八十卒

蔣氏昇鄉江頭村伍用予妻年二十四夫死守志撫三世  
孤俱目擊成立年七十九卒

蔣氏昇鄉錦堂村文祿模妻年二十夫死遺孤半歲孝事  
舅姑撫孤成立苦節三十三年現年五十三

唐氏昇鄉祝三坊蔣遐青妻年二十四夫死子僅四齡口  
貧姑老氏死志守貞備極孝養現年五十四

唐氏昇鄉七星塘伍元仁妻年二十五夫死奉二老撫幼  
孤苦節五十餘年州守王旌曰貞德流芳年七十九卒  
伍氏昇鄉錦堂村文昌麟妻年二十三夫死遺二子二女  
俱幼吳逆煽亂外患頻仍堂叔侵吞內難交搆氏貞心  
苦節百折不回州守吳旌曰清湘闔閩年八十卒  
唐氏昇鄉蛟塘村黃德培妻年十九夫死一子數月守志  
撫孤歷六十年方伯楊旌曰栢節遐齡年七十九卒  
謝氏昇鄉蘿葡萄園黃渭熊妻結褵時夫病已篤踰月夫死  
氏年十六立志苦守二十餘年而終

全州志

卷之九 人物下

二十三

唐氏曹昇妻昇因母病篤憂慮成疾母亡昇亦不起氏年  
二十五舅老家貧竭力奉養現年六十

唐氏長鄉 正一妻年二十六夫死家貧子幼矢志撫孤  
年七十一卒

趙氏建鄉閭家村閭中毅妻年二十四夫死一子甫二歲  
家貧兵亂苦志守節孝養舅姑撫子成立歷數十年卒  
李氏萬鄉王啓先妻年二十六夫死遺子年幼家貧姑老  
苦節不移州守段旌曰松筠毓秀年八十二卒

蔣氏昇鄉黃沙彭子憲妻年二十四夫死無子撫姪承祀  
年八十六卒

蔣氏廩生彭子卓妻年二十五夫亡姑老子幼守節不移

年六十卒

伍氏昇鄉錦堂村庠生文福達妻年二十三夫死一子半歲家貧矢志撫孤後子又死遺二弱孫氏躬親撫養二孫皆成立現年七十四

伍氏昇鄉圳頭驚飛女許配蔣仲偉子未嫁夫死氏年十八欲奔喪父母不許遂矢志堅貞誓不他適終身縞素依傍母兄州守徐旌曰閨中鍊漢年六十一卒

黃氏昇鄉江村伍統□妻年二十二夫死家貧矢志撫孤現年七十六

胡氏昇鄉稅場屋伍依仁妻年二十三夫死苦節撫孤數十年今子孫俱成立

全州志

卷之九 人物下

二十四

王氏長鄉白石村民爾祥女年十六母病篤羣醫謝去氏泣謂其妹曰母脫不諱奈何吾聞臂肉療危疾萬一邀天相幸甚乃取刀割股肉付妹曰吾創甚爾爲烹以奉母先是夜未半羣犬繞籬狺狺比肉糜進吠漸遠旣而無聞母啜羹竟愈後十年乃歿此康熙三十年間事

蔣氏萬鄉蔣某女適謝宏暹而暹以好博蕩產生子庭梅甫周歲暹死存石田數畝無過問者氏慨然曰此獨不可以謀生乎乃棄故居卽田側結茆僅蔽風雨躬紡績爲人紉衣及所爲布襪青鞵皆堅好人爭購之不受值約曰衣一襲酬傭若干日鞵襪亦稱是每春耕秋穫畢事不費一錢復以斬餘粟權子母二十餘年間庭梅旣

長成稟母訓力田不怠漸積至良田五十畝年逾七旬猶作勤如初蓋苦節五十餘年卒年八十有二

盛氏零陵盛文寰女寄居萬鄉安陂村生氏及子君明甫二歲文寰死氏年才十二幼許聘隣人蔣氏子未幾蔣子夭亡既而母亦死君明方八歲單族無依氏念弟弱且幼嫁則父後當絕內斷於心矢貞不字躬紡績勤針黹姊弟相依爲命冬則擁敝絮中呻吟達戶外聞者酸鼻及君明稍長能傭耕氏勤作不怠嚴督其弟母暇逸稍稍衣食足乃爲授室氏行年已四十矣君明感姊保護恩益力勤事姊如母已而生四子氏髮且種種嘆曰吾今而後庶可見吾父母於地下矣年六十六卒君明

全州志

卷之九 人物下

二十五

率諸子持喪如禮云

李氏萬鄉蔗尾田農家女適同鄉謝賜符事姑孝謹年二十四夫死一女甫週歲氏欲以身殉姑怒且詈曰吾老矣奈何以襁褓累我氏度不得卒死飲恨吞聲者二年姑謂婦志可奪也謀垂成而氏覺自經死

伍氏昇鄉諫山唐淑孝妻年二十夫故吳逆之變氏負幼子避深山五日不得食惟啖蕨根子母奄奄一息家人扶歸壽至六十有八子亦成立蓋守志四十八年云

鄧氏恩鄉督志偉妻年二十二夫死苦志守節撫子承祀督學張旌曰苦節全祧現年六十八

蔣氏昇鄉水埠頭唐仲科妻年十九夫死遺二穉女八旬

祖母垂白翁姑生事喪葬惟氏身任現年六十三  
唐氏恩鄉大井頭州學生王廷用母年二十夫死苦節訓  
子督學張旌以全節撫孤

郭氏恩鄉茅埠王之相妻吳逆亂避兵巖中夫被薰死次  
子擄去兵退與長子負屍歸葬是年除夕次子忽歸曰  
念母潛逃正迷去向有老翁指以歸途遂得達氏矢志  
近五十年州守徐旌以柏舟矢志年七十六卒

莫氏恩鄉茅埠王之佐妻生三子吳逆時避兵巖中夫薰  
死擄二子去氏以被褻夫骨提一襁裸子歸撫以成立  
堅志守節州守徐旌曰冰潔貞操撫軍梁旌以萱茂荆  
榮年八十四卒

全州志

卷之九 人物下

二十六

陸氏昇鄉蘿蔔園黃集坤妻年十八夫死遺腹一子甘貧  
守志現年四十五

蔣氏生員趙時鳳妻生一子甫二歲夫亡守志教遺孤熊  
成立入泮督學旌以井水無移

王氏生員趙清汲妻年二十一夫亡誓以死守撫嗣二次  
旋遭殀折氏啣哀安命無悔初心年六十九卒

楊氏張天璧繼室年二十一夫死前妻一子僅九齡或利  
其少能得多金也誘逼交至氏不爲動竟長養其子年  
九十二卒

張氏宜鄉趙碧映妻年二十二夫死無子撫姪爲嗣苦志  
守節現年八十六

李氏恩鄉大田鄧源□妻年二十二夫死遺孤三歲事□  
鞠子苦志食貧更教養孤姪成立現年七十二  
蔣門三婦者孝廉蔣杞妻曹及弟監生梧妻謝貢生桐妻  
唐皆魏縣令芾子媳也曹係成縣令增彬女年十四歸  
杞生子良弼良臣良輔杞邁篤疾曹請代于神者數矣  
杞竟卒諗曹者曰曹殆將死曹聞泣曰吁舅姑髮種種  
矣藐是諸孤奈何諉以病老人後二年梧與桐相繼不  
祿謝每慟必絕也唐宜家甫三月更數數閉戶自經姒  
曹慰曰吾舅姑三年失三子方大戚汝二人又如是不  
益之痛乎乃雪涕曰不然姒豕婦子且幼勢不應死我  
二人年少一宜死俱無子一宜死有姒以奉舅姑我二

全州志

卷之九 人物下

二十七

人更可以死曹曰不然吾有三子以二子乞汝汝督教  
之豈若徒死而愈傷吾舅姑心則曰諾皆收淚再拜謝  
于是以輔繼梧臣繼桐時舅姑耄矣方不勝痛覩此乃  
稍稍悲且慰三人者相與蓄甘腆詢疴癢爭勞讓善斷  
斷然間歲時起居老人環顧填膺悲來則各譬諭以排  
解之退而就私室常相對泣節序生諱則相對泣花朝  
月夕感念疇昔則相對泣獨不令舅姑聞泣已各強爲  
歡以進飲饌舅姑終老若忘其無子也三子亦秉母誨  
能自立弼明經臣增生輔雍正壬子武舉弼臣先卒曹  
與唐復鞠育其孫甚辛苦乾隆十七年有司以聞官爲  
建坊旌異曹現年六十七苦節四十一年謝現年六十

六苦節四十年唐現年五十八苦節三十九年謝中承  
賜履女唐生員運復女也

文氏萬鄉舉人文瑞華女孫西隅教諭周楷子廷璜妻年  
二十七夫死苦志不移教養遺孤慈愛爲心諸姪戴德  
年七十三卒子光濂庠生

蔣氏昇鄉江頭村伍尙卿妻年二十二夫死遺孤未週守  
志食貧備極荼苦漚麻績縷昕夕無怠年六十卒子啓  
聰庠生

經氏昇鄉文橋鄭宏傅妻年二十八夫死姑老子幼苦志  
守節撫孤成立年六十七卒

蔣氏昇鄉舉人蔣宗拱女文橋吏目文遵賢妻年二十六

全州志

卷之九

人物下

二十八

夫死苦節自誓撫子女成立蔬食奉佛五十餘年卒年  
八十四雍正二年本府太守錢旌曰節壽

蔣氏建鄉唐有文妻姑老每不欲火食氏嘗以乳哺年二  
十八夫死翁姑繼歿氏貧甚拮据以葬三櫬苦志不移  
督子耕讀年七十八卒

蔣氏歸昇鄉江村伍譽燁年十七夫死撫子奉姑孝聞內  
外子才能早死其媳鄧氏年二十三夫卒遺孤數月姑  
媳相依鞠子成立雍正元年本府太守錢旌以松筠濟  
美蔣氏年六十三卒鄧氏現年六十七

文氏昇鄉江村伍才宏妻年二十三夫死誓志不二撫姪  
承祀現年六十

李氏萬鄉監生蔣正綱妻平二十夫死以舅姑年邁啣口  
守志孝養不衰撫子承祀現年五十三

馬氏建鄉塘蓮前唐幼朱妻年二十六夫死食貧矢志守  
節撫姪爲嗣現年六十五

謝氏建鄉塘蓮前唐景昭妻年二十四夫死教養二子督  
其耕讀現年六十六

蔣氏塘蓮前唐昌基妻年二十夫賈死南寧遺腹一子貧  
無半瓦之覆假隣宅而居紡績縫紉晝夜捺作越三年  
頗有贏蓄乃丐弟蔣自賢走南寧歸其夫櫬人以爲難  
焉現年五十八

唐氏昇鄉石岡蔣彥清妻清卧疾三年臨終囑曰吾不起

全州志

卷之九 人物下

二十九

矣家貧子幼汝何恃以守達權而可以存孤甚母違吾  
言氏大慟嚙一指血淋漓以示清用誓無二翌日清死  
氏年纔二十餘耳苦節撫孤景澤旣長爲授室唐氏者  
景澤妻也生一子曰時均甫三歲澤死唐氏年二十三  
姑慮其少微諷之則跪曰願繼姑志長齋素服節孝著  
聞雍正十年姑病且革唐氏密割臂肉以療姑果甦人  
皆異之姑唐氏現年七十四媳唐氏現年五十五云  
董氏恩鄉黃增學妻年二十二夫死無子家貧舅姑衰老  
苦節奉養撫子承祀乾隆十三年州守嚴旌曰苦節存

孤

吾氏庾時焯妻夫死無子撫姪爲嗣現年五十五

唐氏白起通妻年二十一夫死家徒壁立苦志不移紡績奉姑撫姪存祀年七十七卒

唐氏恩鄉沙田文良先之妻年二十五夫死子幼家貧舅姑強之改適不可賃舂紡績以自給現年六十四

趙氏在城西隅蔣禮妻年二十六夫死矢志不移孝事舅姑撫姪承祀現年五十三

李氏萬鄉生員蔣正全妻年二十二夫死矢志守節撫孤現年五十五

謝氏萬鄉生員蔣優妻年十八夫亡矢志守節撫孤承祀現年五十二

唐氏昇鄉大岡蔣錫禧妻年二十三夫死無子苦志守節全州志

卷之九 人物下

三十

年七十五卒

王氏恩鄉長春塘生員黃朝正妻年二十四夫亡守志撫孤甘于窮約年六十五卒

蔣氏昇鄉大岡人幼許聘陸氏子未嫁壻死氏年二十一誓不別聘現年六十二督學許旌曰風傳皦日

蔣氏昇鄉大岡人年二十四未嫁夫死誓不再聘年六十四卒督學胡旌曰鶴唳清霜

蔣氏昇鄉新塘生員倪鍾槐妻年二十七夫亡守志撫孤年六十五卒督學官旌曰居然女士

董氏宜鄉黃增學妻年二十二夫死矢志撫孤幾五十年現年六十九前州守□□□曰苦節存孤州倅吳旌

曰松筠勁節

曾氏荊州府民曾起龍女寓于全年十九適營兵王昌齡越十年夫死子在襁褓翁姑皆老家貧無依惟以針指糊口苦志堅守撫子成立雍正二年提督軍門韓以孝慈全節匾旌之

羅氏河南羅有女寓于全年二十一適兵丁房國正越八年夫死氏年二十九子幼家貧辛勤紡績苦志撫孤雍正二年提督軍門韓獎以紡績完貞匾額年七十餘卒

許氏本州許明女適在城何之起爲室生一子未週歲夫故氏年二十八翁姑俱早世氏矢志守節遺產爲人所

全州志

卷之九 人物下

三十一

侵沒謀計奪氏志氏棄產夤夜歸母家勤勞女紅力撫孤子宗湘承克營識雍正二年提督軍門韓給以苦志存孤之匾年八十卒

易氏宜鄉龍蟠村趙如璵妻年二十四夫死遺一幼女氏誓志守節撫姪承祀年四十五卒

蔣氏西隅輝辰姪女年十九歸恩鄉橋北田庠生黃非虞年二十一夫死遺子未週食貧守志撫孤爲嗣年六十一卒

何氏潯州貧家女康熙年間浙人有鄭受者爲桂平令畜小鬟四獨氏明慧謹愿鄭夫婦鍾愛之命子元良納爲側室旣而鄭罷官死不能歸僑寓萬鄉石板嶺村又一

年良死氏年二十有二女君將嫁之氏剪髮自誓乞身爲比邱尼乃從天龍庵老僧華光受經懺凡半載皆通曉華光歎曰老衲年齒已邁又皈依久槁木死灰宜也氏以少婦乃能堅忍如是眞龍象種也歸結庵嶺下晨鐘暮鼓梵誦琅然淡飯黃齏苦節自甘數十年絕跡不一至人間後良妻亦死其子之鳳躑躅衡湘間無所歸來就氏食未幾竟死先後凡五棺皆氏拮据營葬于庵側歲時祭掃如禮以壽終焉

張氏宜鄉櫟樹頭生員趙喆熹妻年二十八夫亡矢志冰清教育二子年五十三卒

趙氏白堂正常女幼聘塘蓮前唐士益爲妻士益因遭亂全州志

卷之九 人物下 三十二

傷殘其父一元登門願退婚氏立志不二後歸唐門安心事夫連育三子年二十九夫亡苦節五十三年卒年八十有二

張氏長鄉寺嶺背張別山女年二十三夫趙錫棟病亡遺腹一子如琮苦志撫孤四十三年現年六十六

蔣氏石崗蔣時傑女適生員羅國元年二十九夫亡氏觸棺幾斃爲妯娌護持獲甦撫孤矢志三十年現年五十九

楊氏建鄉應茂女幼配仝鄉唐啓倫年二十二夫死誓不再嫁苦志撫姪承祀年六十五卒

唐氏灌陽昭儀廩生唐時相女年二十適恩鄉大田庠生

鄧成訓爲妻甫三載生一子五月而夫死家貧姑□□志撫孤或勸改適截髮自誓苦節三十餘年現年五十四有四

鄧氏昇鄉斗光村副榜鄧繼璉女年十二歸黃廣演年二十夫死翁姑皆老當演未歿時演兄弟五人已分炊輪養氏無論輪值與否凡二老所嗜皆密致四家而終不令二老知壽八十而終乾隆癸亥建坊旌表

唐氏建鄉人幼許聘同鄉廖啓賢未嫁賢死氏聞訃往弔遂不返撫嗣承祀奉養舅姑各得其道州守徐旌曰冰霜苦節

周氏建鄉冷應裕妻三歲歸冷未成婚而應裕死翁姑慮全州志

卷之九

人物下

三十三

其少勸之嫁氏截髮明志撫姪承祀督學羅旌其門曰比竒男子年七十卒

王氏建鄉唐裔曄妻年十九夫死遺一子家甚拮据氏矢志苦守現年七十有五猶紡績不衰

蔣氏宜鄉庠生趙錫佩妻嫁未逾年佩卒遺腹一子堅志守節教子成立督學龔旌曰節同孟母

蔣氏宜鄉庠生梁重淳妻年二十八夫死守志艱苦不移現年七十四

蔣氏宜鄉庠生趙錫千妻年二十一夫死矢志守節撫子承宗年六十八卒

蔣氏宜鄉趙汝冠妻生一子卽武庠樹嵩年二十夫死氏

以養以教備極艱苦年六十一卒

鄧氏邑庠生張源妻舉人張爲英庠生張爲昌母年二十九夫死姑老子幼苦志守貞四十餘年年七十有一卒  
趙氏邑庠生張志俊妻年二十四夫死遺子甫週歲苦志守節三十餘年現年五十六

鄧氏張爲昺妻年二十六夫死苦節撫孤年四十六卒

張氏宜鄉庠生趙玉暎妻年二十一夫亡氏撫二子縫紉度日年八十一卒

秦氏閩應蒸妻宜鄉玉田村人年二十一夫死遺子士俊家貧守志五十年現年七十有一

何氏閩士戡妻宜鄉玉田村人生二子夫故氏年二十有

全州志

卷之九 人物下

三十四

三家貧守志五十年現年七十有三

彭氏建鄉旺塘蔣良琪妻年二十四夫死守志食貧現年六十九績紡不輟云

顏氏宜鄉竹簡村趙懋渭妻年二十六夫死甘貧不二現年七十

陶氏降原隅王建章妻自幼歸王未成禮夫歿鄰嫗諷之嫁氏號泣詈之誓死守志姑素有腹疾氏每焚香禱天願以身代疾尋愈壽至八十有五人以爲氏之篤孝所致云氏現年五十有八

唐氏恩鄉白水底天瑞妻年二十三夫死一子四歲家貧翁姑皆垂暮氏傭舂奉養翁姑歿家道稍豐而氏終身

茹素有諷之肉食者氏謝曰吾翁姑不常見此吾今日何忍獨甘乎聞者莫不歎息云

唐氏昇鄉石岡蔣上培妻培染惡疾家人不肯近氏侍湯藥數載未嘗頃刻離培死氏年十九有遺腹顛天曰新婦倘邀幸舉一男乎既娩女也氏乃大戚日夜泣以舅姑故強起撫從姪良鉉承祀現年五十

程氏萬鄉磔口李召能妻生一子甫二歲夫死家貧姑老矢志撫孤現年七十有六

經氏昇鄉蔣應琳妻夫歿時遭兵燹二子未脫襁褓氏仰事俯育不辭勞瘁年七十五雙目忽盲醫什伯罔效越八十一日氏夢神人授一丸吞之二子是夕亦同夢既

全州志

卷之九 人物下

三十五

且而目如初人咸驚異謂爲苦節所感閣學汪旌以勁節遐齡

胡氏昇鄉人歸蔣應元元家固式微氏艱苦萬狀無少難色元故氏誓志靡他經營操作諸子皆成立州守某旌曰母貞嗣賢

文氏係昇鄉舉人文謨女同鄉胡德健妻健卒氏年二十撫一子成立現年五十八

蔣氏昇鄉胡閭章妻年二十六夫卒養老撫孤備極艱瘁現年七十

廖氏昇鄉唐福弼妻年二十七夫死翁姑就衰三子俱幼氏紡績資生事翁姑以孝謹聞現年六十八

蔣氏庠生王之琪妻恩鄉橋南百祥之女年二十五夫故家貧撫子承嗣後子亦天僅育一孫氏偕孀媳唐氏同心矢志苦節撫三孫十餘年現年六十有八

吳氏庠生鄧生遂妻灌陽吳泰來女生子友蘇甫三月夫故氏年二十有八守志撫孤備極荼苦年六十有二卒

唐氏廖世壽妻年二十一夫死矢志守貞艱苦不渝年八十八卒子晉昌在庠序

廖氏監生文熙綸妻年二十三夫死養老成孤孝慈並著八十三歲時州守嚴旌曰節孝慈壽

孫氏昇鄉蔣之弼妻年十九弼死氏以節自守治家有法卒年九十八今四代近百口皆持義不分

全州志

卷之九 人物下

三十六

蔣氏昇鄉大路下檢討綱之女歸龍巖王乾雯雯故氏年二十五養老撫孤節孝兼至

蔣氏昇鄉龍巖王乾雲妻年二十五夫死遺一子未幾亦死氏撫姪元仕爲夫嗣時二娣並孀姑老且瞽氏朝夕奉事以身率先云

蔣氏昇鄉龍巖王乾龍妻年二十四夫死子甫一歲氏偕兩娣奉盲姑皆孝養勿替現年六十二

朱氏屯戶朱伯玉女幼許聘沈氏子子往蜀垂二十年不返父欲改適氏堅貞自誓父沒依兄弟力作自養歷三十餘年年六十卒

廖氏恩鄉二十五都民鄭正乾妻年十九夫歿氏耕作自

養撫姪承祀現年五十八

鄧氏西隅民陳煜之妻年二十夫亡子甫二歲翁老家貧氏備歷諸苦以事以育火耕水耨沾體塗足人非笑之不顧也年五十九卒

蔣氏恩鄉民唐一清妻年二十二夫死氏冰操自矢撫孤成立現年七十五

王氏恩鄉南宅王昭楫女歸庠生梁倫鈞子夫病劇氏焚香禱天割股以進及亡氏年二十四撫子守志善養老姑未幾姑與子婦俱相繼歿復撫孫承祀現年五十

劉氏恩鄉南宅庠生王昭樸妻年二十九夫死氏養老撫孤孝慈兼至年五十一卒子國烈庠生

全州志

卷之九 人物下

三十七

唐氏恩鄉王全預妻年二十六夫歿無子氏冰操自矢撫姪承嗣現年七十四

唐氏恩鄉王侯湛妻年二十七夫故矢志守節教子昭榆入泮年四十八卒

唐氏恩鄉王侯沂妻年二十九夫歿矢志守節現年六十二

蔣氏恩鄉王元和妻年二十九夫亡家人數逼嫁氏誓死不他鄉里義之現年五十三

鄭氏恩鄉王□□妻年二十八夫歿無子撫族姪承祀現年八十有四

蔣氏昇鄉竹塘舜舉女幼許聘同鄉唐姓子甫及笄而壻

死氏聞訃慟哭成服設位矢志不他其母老且病氏口  
女紅佐弱弟供養數十年不衰督學官旌曰艱貞純孝  
年七十卒

張氏恩鄉溝南唐理妻年二十八夫亡苦志守節撫孤成  
立現年六十

蔣氏宜湘舉人唐宗岳妻河池學正久震母年二十五夫  
亡守節教子成名年八十六卒

李氏馬平縣李時芳女歸宜湘唐萬松期年夫死氏年甫  
十九族人逼奪其志氏知不可解潛縊於萬松殯所鄉  
里感其烈爲之合葬而表諸墓

唐氏竹塘蔣繼仲妻仲歿氏年二十撫嗣守節年七十三  
全州志

卷之九

人物下

三十八

卒

唐氏石岡蔣時達妻年二十一夫死無子矢志守節撫姪  
承祀現年五十二

蔣氏長鄉白石副榜輝宸女歸同鄉百福村廩生謝特芳  
年二十九芳死無子氏守志孝姑撫姪爲嗣未幾亦夭  
貞操不二年逾五十人咸悼之

趙氏長鄉石鼓劉嗣寬妻年二十八夫死無子氏誓志不  
移撫姪光陞爲嗣年六十二卒

趙氏長鄉石鼓劉嗣憲妻年二十三夫死子幼氏冰操自  
勵孝事翁姑現年五十七

蔣氏宜鄉水頭趙錫普妻生子甫五月而普死氏年方二

十守節撫孤現年八十四

蔣氏長鄉鑽石屯何官甫妻年三十夫死子幼翁姑命改適氏號立以死誓守志未幾子亦歿氏力作自養終始一節現年八十八

熊氏長鄉高田唐三坤妻年二十一夫亡無後氏苦節撫姪承祀年七十卒

曹氏建鄉塘蓮前唐聯元妻年二十六夫亡堅志守節撫子成立年六十五卒

蔣氏昇鄉石岡益甫女年十九歸竹塢庠生曹增璨璨貧且病氏作苦幹旋備極困瘁越六年璨歿氏年二十五誓死不移當康熙癸巳之荒米如珠玉氏得米悉別炊

全州志

卷之九 人物下

三十九

以進舅姑已則密雜糠粃舅姑不之知也一日姑竊視詰之氏曰此某婦所遺聊試嘗之耳年五十七卒子儒舉人任四川銅梁知縣乾隆二十年建坊旌表

樊氏恩鄉田美村劉文昌妻劉赤貧氏隨翁姑搽作必任其難年二十八夫故翁姑並歿一子襁褓夫弟幼弱氏撫之不啻己出今子及弟皆成立合力共耕氏亦經紀有法田廬粗具現年五十二

蔣氏恩鄉大田鄧永青妻舉人毓英祖母年二十二夫死苦志守節撫子承宗督學某旌以苦節流徽年八十三卒

何氏大田鄧赤中妻年□十七夫死守節撫姪承祀乾隆

七年建坊旌表

陸氏大田鄧乾一妻年十八夫故氏矢志苦節撫子承宗督學張旌曰全節昌後年八十五卒

唐氏大田鄧心濼妻年二十一夫死守節教子督學張旌曰柏舟自矢年六十二卒子偉庠生

文氏大田鄧成纓妻年二十七夫死守節教子乾隆七年建坊旌表現年七十子熙庠生

王氏大田鄧植楷妻年十九歸楷甫三月夫亡氏矢志守節孝養舅姑撫姪庭秀爲嗣州守段旌曰勁節名香督學張旌曰完節全桃現年六十五

曹氏恩鄉厚村舉人鄧章纓妻舉人愈良母年二十九夫

全州志

卷之九 人物下

四十

亡時良方襁褓氏甘貧力作俾良篤學世其家乾隆二年建坊旌表良尋卒妻易氏遺腹一子娛侍老姑出必相隨入必共處孀姑婺婦兩世單傳族里哀之曹氏現年八十二易氏現年五十三

唐氏恩鄉厚村庠生鄧愈中妻而主客郎中葵友冢婦也主客有內嬖中母不見答則奉以別居主客僅給石田數畝橐中裝不得與也未幾中故氏年二十四貞心苦節老姑稚子相依爲命繼而子歿貧益甚卽石田亦莫全存針縷博升斗以奉姑姑竟終其天年氏現年五十有三親黨語其事莫不嘆息云

王氏萬鄉武舉唐一傑妻年二十九夫歿氏冰霜自凜孝

養考姑現年七十九猶紡績不輟

劉氏萬鄉曾乾龍妻年二十一歸曾半載曾故矢志守口  
撫姪爲嗣未幾亦夭復撫兩孫成立現年六十七

張氏宜鄉小水村方世魁妻年二十一夫死氏苦志堅貞  
撫孤成立年八十五卒州守王旌曰清貞燕壽

蔣氏赤蘭興隆村廖學純妻年二十五夫死守節撫子成  
立年八十一卒

金氏廖正璉妻卽蔣氏媳也年二十一夫亡子幼姑老氏  
矢志守節孝慈並著現年六十三

廖氏長鄉石鼓劉志賢妻幼歸賢賢早失恃而事繼母甚  
孝未幾賢故氏年二十六撫孤矢志孝事其姑以承夫

全州志

卷之九

人物下

四十一

志州守林旌以貞節年九十一卒

蔣氏長鄉石鼓劉繼美妻年二十三美死氏苦節撫孤年  
八十三卒

馬氏長鄉石鼓庠生劉士觀妻年二十四夫死無子氏冰  
操自誓逾年翁亦歿姑遺腹生少子士覲時哀毀過傷  
將不乳氏跪請乃得育自後皆氏鞠養氏撫二子俱夭  
卒無後人咸悼之

許氏長鄉石鼓劉志高妻年三十高歿親老子幼氏以事  
以育完貞全操年七十七卒

王氏長鄉石鼓庠生劉士恒妻年二十四夫亡無子氏苦  
志守節撫姪承祀年七十四卒

蔣氏長鄉石鼓庠生劉士琰妻年三十夫故無子氏誓守不移撫姪繼嗣督學張旌曰苦節可旌年八十四卒

趙氏長鄉石鼓劉懋娘妻夫歿無子氏矢志守貞撫嗣爲後年六十五卒子嗣基庠生

蔣氏長鄉石鼓劉光箴妻年二十七夫亡遺一子氏誓志不他後子死更遺幼孫氏偕王氏婦茹苦鞠育現年六十八

趙氏長鄉石鼓劉光笙妻年二十夫亡氏冰操自凜仰事俯育皆取給女紅未幾子婦並歿孝養老姑尤篤姑尋歿氏益煢子口呼天慟哭聞者流涕

蔣氏貢生劉士旻妻侯官知縣懋矚母年二十九夫歿苦節撫孤竭力盡孝年七十七卒

全州志

卷之九

人物下

四十二

唐氏昇鄉舉人唐榮壽女歸同鄉竹塘蔣照年二十一夫亡甘貧勵操撫嗣養姑孝慈著聞年七十四卒

唐氏建鄉金潭蔣燦邦妻年二十五夫故生二子俱夭撫姪爲嗣苦志守節順事舅姑年六十二卒

朱氏建鄉金潭蔣世綱妻年二十六夫卒矢志守貞撫孤成立現年五十七

陸氏建鄉大洲蔣梓挺妻年二十三夫亡子幼誓志不他事姑育子備極荼苦年七十三卒

唐民建鄉塘蓮前舉人唐幹女歸恩鄉太田鄧丙相甫三月相就學于從叔上恩州學署越半載訃聞氏年二十

一斷髮長素作苦齒積三年扶相櫬還且舉相之祖□  
母父母三世五棺同日安厝越十五年一夕氏忽夢其  
翁曰翌旦吾孫至宜名培宗會氏從娣婦將產氏覺遂  
起炷香禱之家廟迨旦娣婦果得男族人竒其事乃公  
立以嗣相氏現年七十九乾隆四十四年奉 旨旌表  
蔣氏庠生唐尙衡妻年三十夫亡守志□子成立  
粟氏萬鄉倪在祐妻年二十九夫亡守志現□八十有二  
唐氏萬鄉峽口唐子能之女幼許昇鄉文祚爲婚年十八  
文祚死氏剪髮明志誓不適人孝於父母生事死葬情  
禮兼盡有憐其少微諷之唐誓之以死內外不敢復言  
長齋奉佛縞素終身年六十六卒

全州志

卷之九

人物下

四十三

李氏西隅蔣綿遠妻年二十八夫故一子甫二歲苦志守  
節孝養翁姑年六十四卒

陳氏西隅人年二十四爲蔣綿標妻夫多病翁姑且老甘  
旨藥餌皆氏拮据經營生一子夫死執喪如禮事翁姑  
甘旨不缺翁姑歿喪葬皆氏主持焉年六十九卒

王氏恩鄉堅塘庠生馬龍妻年二十夫亡矢志撫姪宗周  
承祀督學官旌曰荻花晚秀現年五十八

劉氏恩鄉硃塘村蔣世才妻年二十四夫死無子撫姪存  
祀現年五十

程氏興安生員程若璘之女年二十一嫁昇鄉柴灣生員  
蔣良臣爲繼室甫四載夫亡子纔二歲孀姑就衰氏□

逝憐生抑情就禮總持家計淑孝著聞然寡鵠之痛口傷於心奄忽從夫竟果初志時年三十二

鄧氏昇鄉錦堂村伍沛霖妻年二十一歲夫死傭舂以奉公姑採蔬以育幼子親疎憫其困苦及七旬女紅不倦  
蔣氏昇鄉錦堂村文昌極妻年二十三歲夫死一子甫歲餘貧不能自給困悴難堪卒能撫孤成立年七十有一  
黃氏昇鄉七星塘伍祥甫妻年二十四歲夫死家無擔石  
二子零丁氏敝體勞形撫成孤弱年七十六

蔣氏恩鄉金堂庠生馬麟妻年二十三夫故氏絕而復甦者數次因舅老子孤弟幼強起曰余死馬氏其誰賴乎因含淚忍痛日勤績紡以奉舅姑教子耕讀幼弟鳳入

全州志

卷之人物下

四十四

泮焉馬家素貧氏艱難萬狀支持成家督學胡給額貞順開家乾隆四十四年奉 旨旌表建坊入祠 以下增葺

王氏恩鄉賢家宅唐仕榮妻年二十六夫没生子纔數月親老無依仰事俯育孝慈兼至飲冰茹蘖苦節五十四年現年七十九嘉慶元年奉 旨旌表

易氏恩鄉易家村塩山知縣國弼次女許字同鄉唐運咸未嫁夫故氏衰經奔喪撫棺號痛絕而復甦即居夫家守志撫姪爲嗣勤紡績以供翁姑生養死塋克全孝敬  
乾隆四十六年奉 旨旌表入祠

周氏萬鄉竹鷄田胡天寵妻年二十二夫故撫育弱子謹事孀姑節凜冰霜孝慈兼著今年屆八十現在題請

旌表

蔣氏恩鄉時獻女潯州教授大井頭王之玟次子儒士國楷妻孝廉永禔母也性溫淑寡言笑克敦婦道年二十九夫故禔甫二齡家清貧氏苦志厲節撫育孤幼內外操持族黨稱賢禔稍長日令出就外傅夜則篝燈女紅兼課讀率以爲常妯娌中有以夏日苦長爲言者則曰人惟閒暇故覺日長苟勤職事正嫌日短耳人咸以爲然嘗訓禔曰紡績之事得尺則尺得寸則寸日積月累始能成布汝讀書亦猶是也若讀一日荒數日不惟無長進而前功亦廢故至老紡績不倦禔之學業得于母訓者實多云乾隆壬辰兩學請于督學范給以和熊遺

全州志

卷之 人物下

四十五

範匾年六十二卒

鄧氏恩鄉田美村劉光域妻年二十八夫故苦志守節兩學贈幽節堪旌額年六十終

蔣氏許字唐謀年十三未嫁謀故翁姑令其改適氏矢志過門守節與夫弟共養二親撫姪爲嗣子年六十二

唐氏昇鄉大岡蔣允輔妻年二十二夫故孝事翁姑生養死葬教子成立督學胡給額貞婦慈母年七十八卒

胡氏恩鄉金堂馬泰世妻年二十八夫故矢志貞守撫二子學憲劉給額節光前後現年五十二子德表嘉慶

戊午舉人謁吳朱兩典試官詢及復題貞操福裕旌之唐氏恩鄉金堂馬世燦妻年二十八夫故苦志守節教子

德高中庚子武舉督學于給額志凜冰霜現年六十五  
唐氏恩鄉金堂馬宏基妻年二十二嫁基甫一月而基遊  
蜀不返氏撫姪苦守學憲給額青松傲雪卒年八十一  
不二孝事翁姑撫姪祖世承祀卒年五十八

秦氏馬宏啟子祖世妻年二十六夫故矢志守貞教二子  
成立事節母以孝聞現年五十九

趙氏恩鄉金堂馬德化妻年二十三生一子夫故苦志守節  
既而子又喪撫姪爲嗣現年五十三

陳氏建鄉塘連乾庠生唐欽松妻年二十八夫故一子繼  
天氏守節不二現年七十

全州志

卷之人物下

四十六

唐氏建鄉大洲蔣嗣珠妻年二十八夫故矢志不嫁事翁  
教子現年五十九

趙氏恩鄉溝南庠生唐廷柱妻年二十五夫故苦志守節  
孝事翁姑教子成立現年五十九

張氏建鄉半邊嶺胡賢才妻年二十九夫死冰霜自守事  
姑教子現年五十九

馬氏宜鄉發官村羅以元妻年二十八夫死撫育二子苦  
志守節子甲魁庠生現年七十三

馬氏發官村庠生羅定魁妻年二十二夫死守志不移事  
姑孝敬撫姪承祀現年五十三

唐氏發官村羅若杭妻完婚數月夫死時年十七姑以氏

幼令再適矢志不從撫姪爲子現年五十一  
陳氏恩鄉塘背武舉浩女許字昇鄉石岡武舉蔣良輔三子善璣氏年十七而善璣死聞訃幾絕明日白父母請得詣夫家持喪又請於舅姑撫姪以存夫祀都察院副都御史羅源漢旌曰矢志靡他子邦宸增生氏現年五十有二

劉氏恩鄉劉宸遠女幼許字鄧氏子增能未婚夫故矢志不二適鄧門守節撫姪承祧提學官給額清湘比潔年七十卒

蔣氏舉人蔣振被女年二十一適石鼓庠生劉昌詞甫三載夫死姑憂鬱成疾氏奉湯藥克盡婦道撫仲弟子永

全州志

卷之人物下

四十七

馨爲嗣飲食教誨有陶孟之風現年五十九

蔣氏建鄉厚塘監生唐元妻年二十六夫故孝事翁姑義方教子現年六十九

劉氏西隅譚之選妻年二十四夫死苦志守節撫孤成立現年八十六

唐氏建鄉大洲庠生蔣昌治妻年二十八夫故孀居教子督學費給額貞壽昌謀子尚梧食餼州庠現年六十五  
唐氏建鄉川山謝嗣達妻年二十九夫故繼嗣守節現年五十八

羅氏建鄉大洲庠生蔣嗣璋妻年二十六夫故矢志守節撫孤成立年六十八卒

黃氏大洲蔣又典妻年二十六夫故志凜冰霜教子成立  
年六十三卒

蔣氏建鄉實充唐良基妻年二十六夫故矢志守節現年  
六十二

蔣氏實充唐錫右妻年二十八夫故家貧親老子幼孝慈  
兼盡年七十六卒

楊氏建鄉車頭村周學儉妻年二十夫亡苦志守節善事  
翁姑至年六十 州牧李給匾節孝可風年七十卒

蔣氏陸尚暄妻年二十七夫故教子正襄入泮現年六十  
四

彭氏萬鄉口頭村州同蔣正笏妻年二十八夫故守節學  
全州志

卷之 人物下

四十八

院于給松柏清操額現年七十三子廷獻入泮

李氏萬鄉陸家村陸尚時妻年二十九夫故守節子正羅  
入泮現年六十五

劉氏宜鄉蔣天元妻嫁未逾年夫故年纔十九矢志守節  
現年七十

趙氏宜鄉車頭唐友直妻夫死守節育三子成立年六十  
六卒

蔣氏恩鄉程家村唐良璟妻年二十九夫死守志撫孤來  
賓教諭蔣作霖贈額壽節齊堅現年八十五

和氏恩鄉橋頭蔣尚權妻年二十八夫亡苦節撫孤紡織  
以供舅姑喪葬如禮現年七十一

張氏宜鄉白塘趙正履妻年二十五夫故一子繼殤終口  
有以再醮試其志者氏叱之曰是何言與矢志不移繼  
嗣守節現年五十三

唐氏恩鄉牌侯脚時開甲妻年二十九夫故無子矢志守  
節撫姪運泰承祀卒年五十六

蔣氏恩鄉時家村時世穗妻年二十九夫故遺五歲子誓  
志苦守教子成家現年六十六

唐氏恩鄉時家村庠生時振昌妻知書年二十八夫故遺  
孤鎮偉甫週歲矢志守節家貧姑老孝養無違紡織之  
餘躬自課子現年五十二

周氏恩鄉留塘村唐開浩妻年二十三夫沒無子撫姪守  
全州志

卷之

人物下

四十九

節孝敬翁姑克盡婦道現年五十三

李氏萬鄉籍住西關外劉景先妻年二十五夫故撫姪承  
桃苦志守節現年五十九

徐氏萬鄉蔣良瑚妻年二十九夫死守志不二教子成立  
現年七十子本立職員

蔣氏恩鄉烏田庾良光妻年二十五夫故守節教子皆成  
立事翁姑孝養備至現年八十

唐氏恩鄉橋頭蔣尚友妻年二十四嫁友半載而友故遺  
腹一子食貧守志撫養遺孤年六十卒

蔣氏建鄉平岡頭冷秉哲妻年二十八夫死一子未週歲  
矢志守節竭力奉姑撫子承立現年七十二

蕭氏恩鄉橋南村蔣盛朝妻年十六適朝半載夫故矢志守貞撫姪慶元爲嗣旋夭又撫姪世學繼之現年八十六日覩子孫昌盛前學憲費給額貞壽流芳

蔡氏恩鄉程家村唐士義妻年二十三夫故撫姪炳榮承桃苦志守節學憲于給茹荼畫荻額年六十六卒子榮武庠

支氏建鄉望高山王昌紀妻年二十六夫死守志遺腹一子教養成立事姑以孝聞州牧單旌曰節孝可嘉年七十六卒

蔣氏恩鄉石堂屋周孟侯妻年二十夫死守節孝事翁姑繼嗣承桃現年五十

全州志

卷之 人物下

五十

倪氏萬鄉安陂村唐世麟妻年十四夫故矢志不二撫子承祀方伯黃給額清標彤管現年七十

蕭氏昇鄉石岡蔣綸妻年二十四夫死矢志貞守撫姪良瑞爲嗣教養成立列名庠序年七十四卒

趙氏建鄉小宅村庠生胡啟輝妻年二十六夫故撫姪守節現年五十三

王氏建鄉漫壁村唐喬翬妻年二十四夫亡矢志守節教子家誠髫齡入泮現年五才二

唐氏建鄉缺埠塘蔣啟僕妻年二十八夫死矢志守節教子恒祥入泮現年七十

蔣九姑昇鄉石岡庠生蔣芹女見父年老一弟良楫早夭

矢志不嫁生養死葬克盡其心現年五十二

孟氏宜鄉秦能遠妻年二十四夫故家貧守節撫子承祧  
督學給匾操凜冰霜卒年七十五

馬氏恩鄉花橋村許時焯妻年二十八夫故冰霜勵節育  
二子成立督學費給額筠操裕後年六十六卒

唐氏宜鄉紹水方國遠妻職員昌祚母也年二十六夫故  
遺腹生祚仰事俯育艱辛備至祚又死其婦趙氏立嗣  
養姑相繼守志人謂方門二節

趙氏黃啟彥妻年二十二夫故矢志守節年八十八

熊氏恩鄉南宅王昭標妻未婚而標死年祇十三矢志靡  
他孝事孀姑教夫幼弟榆成名撫姪承祧督學于給額

全州志

卷之人物下

五十一

閨閣完人現年七十六

程氏宜鄉西延王元栢妻年二十六夫死孝事翁姑教子  
成家現年六十

蔣氏宜鄉元甲村羅克讓妻年二十七夫故苦志守節克  
敦婦道撫庠生允裕爲嗣年八十卒

蕭氏羅維漢妻年二十三夫故兒幼操凜冰霜謹事翁姑  
訓子成名長子璘庠生次子允昌州同奉天學政蔣公  
贈以錦堂婺曜額年九十六卒

李氏萬鄉蔣爲蘭妻年二十一夫故辛勤孝養鞠孤成立  
苦節四十餘年

董氏萬鄉李英登妻年二十九夫死守志奉姑克謹婦職

州牧嚴旌以苦節全貞額年八十四卒

唐氏萬鄉蔣三桂妻年二十六夫死守志不渝撫姪桃現年六十

蔣晚姑萬鄉蔣正道女許字王其年十三壻死父命他適女誓以死守年六十六卒

李氏萬鄉蘓元鳳妻年十九夫死養姑鞠子苦志守節廵撫姚旌以柏舟清操年七十卒

王氏萬鄉柘尾田李美璽妻未婚而璽死氏年僅十二剪髮誓守身代子職以孝謹聞撫姪承祀現年六十

吳氏萬鄉李泰慧妻年二十三夫故矢志守節州牧陳贈額彤管貞操現年七十四

全州志

卷之九

人物下

五十二

梁氏萬鄉貝嶺村唐咸梅妻年二十八夫故家赤貧氏水霜自矢撫姪成立現年六十七

蔣氏萬鄉江西李昌裕妻年二十夫死誓志苦守貧困不移養孤成立現年八十

陳氏萬鄉太學生謝之灼妻年十九夫故遺腹生子氏苦志堅守鞠孤成立現年八十一

董氏萬鄉梅世震妻年二十夫故青年苦節撫子承祀現年七十八

王氏萬鄉梅和廷妻年二十一夫死苦志勵節撫十承祀現年七十三

陳氏蕭增杰妻年二十六夫故守節現年六十五督學費

給貞淑型鄉匾額

唐氏宜鄉白塘庠生趙正篤妻生一子一女年二十六夫故事翁姑極孝教子女甚嚴卒年七十子六端宗監生

劉氏宜鄉白塘趙端塑妻年二十六夫亡家貧守志以縫紉孝養其姑撫姪承祀現年七十一

劉氏白塘趙端璽妻年二十三夫死矢志守節事翁盡孝義方教子與端塑妻劉氏一門孀居有雙玉無暇之譽

劉氏宜鄉南宅歲貢趙文焯妻年二十四夫死無子撫嗣僅四齡或利其少外侮頻加氏勵志保持鞠子昌達入

太學年九十六卒

唐氏宜鄉梅塘趙若臣妻年二十九夫故守節現年六十

全州志

卷之 人物下

五十三

子光裕監生

蔣氏宜鄉櫟樹頭趙履福妻年十七夫故守志不二孝事舅姑撫嗣承祧現年六十九

蔣晚姑宜鄉補里監生必煒女已許字而婿亡誓志不嫁事父母孝敬人稱其貞孝

鄧氏宜鄉楊正賢妻年二十六夫亡撫育二子成立矢志不渝長子佩凌國學生

蕭氏宜鄉楊正良妻年二十八夫亡孝慈并著節凜冰霜撫孤成立現年六十

趙氏宜鄉玉田村閩正槐妻年二十八夫故矢志不渝孝事翁姑鞠育二子成立現年八十五代同堂人稱德報

蔣氏昇鄉橋頭胡智照妻年十七夫死矢志不二撫姪承  
桃現年五十

趙氏建鄉元甲村閻運棟妻年二十九夫死守節孝事舅  
姑教子成名年七十三卒

謝氏建鄉元甲村閻運梁妻年二十四夫死矢志守節孝  
養公姑撫姪承祀現年七十八

閻氏恩鄉橋頭生員蔣沛霖妻年二十九夫死守節事姑  
孝謹撫二子成立現年六十

鄧氏庠生伍敦偉妻年二十五夫故矢志守節孝事翁姑  
訓子義方年五十一卒子庠生福臻妻蔣氏年二十三  
臻死侍姑守志教子以正現年七十三

全州志

卷之人物下

五十四

蔣氏昇鄉蜚閣伍福煦妻年二十八夫亡矢志不□□子  
成立現年六十

唐氏昇鄉大岡蔣榮素妻二十一夫死子半歲□貧苦志  
紡績養姑撫子成立現年五十五

蔣氏恩鄉白寶邨唐永毓妻年二十四夫故撫孤守志孝  
事翁姑教子成名督學查給節比松筠匾額年七十卒  
蕭氏恩鄉水陣邨承榮女許字趙天鏡未嫁而鏡死氏不  
願更適在家守志現年五十六

蔣氏恩鄉石塘墟羅成純妻年三十三夫故苦志守節教  
子澧入泮年六十四卒

唐氏恩鄉塘背陳培嶼妻年一十八夫死守節教子查宗

□□ 額義重撫孤

蔣氏舉人陳錫組妻年二十八守志卒年六十

王氏恩鄉塘背陳錫珍妻未婚夫死過門守志敬事翁姑三十餘年如一日

張氏恩鄉鐵鑪村蔣世藝妻年二十八守志卒年六十

馬氏恩鄉塘背庠生陳崧妻年二十四崧卒遺一子錦耀娶范氏未幾耀卒姑媳孀居

唐氏恩鄉下凍肇鐙女年十八矢志守貞事祖父母以孝聞現年六十一

唐氏恩鄉易家村易立會妻翁國弼任宜山教諭氏夫婦隨侍任所夫故氏年二十三矢志守節事姑孝教子嚴年六

全州志

卷之九 人物下

五十五

十卒

鄧氏恩鄉大井頭王永年妻年二十四夫故矢志自守孝事翁姑教子廷舉食餼於學現年六十六

蔣氏萬鄉粟子虎妻年二十五夫故無嗣苦志守節撫姪承桃現年七十五

張氏恩鄉賢山村廖世璜妻年二十歲夫故孝養舅姑撫孤成立學官盧贈額金石貞操

涂氏恩鄉福田村伍成亮妻年二十二夫故家貧守節教子成立現年六十二歲

蔣氏恩鄉新田村王治暘妻年二十夫故家貧守節撫孤承桃學院費賜額苦節穀貽現年六十子化黎庠生

蔣氏長鄉吉宅曹啟賢妻年二十夫故家貧守志教子成立巡撫張旌以節壽如松年七十五卒孫文雋庠生陳氏萬鄉節頭村蔣公在妻年二十五夫故苦志守節教子成人現年六十四

廖大姑恩鄉賢山村廖世珠女許字唐門未嫁婿死誓不再嫁年六十四卒

蔣氏恩鄉擇田村伍福安妻年十八夫故守節翁姑憐其青年勸其改嫁氏矢志不二撫姪承桃現年五十七

謝氏長鄉吉宅村曹增福妻年二十五夫故守節綜理庶務子超元監生現年七十三

鄧氏恩鄉規頭村之琰女許字南宅王國麟年二十四婚期

全州志

卷之 人物下

五十六

已卜而麟死聞訃號慟欲絕即日衰經奔喪矢志靡他謹事翁始撫姪爲嗣不數歲而亡氏尋以憂卒

蔣氏萬鄉唐家盞妻年十九夫故節凜冰霜現年四十九  
趙氏宜鄉補里蔣廷昇妻年十九夫故矢志守節孝事公姑撫嗣承桃現年五十八

趙氏宜鄉水頭趙錫桓女矢志不嫁以養父母現年七十二

蔣氏建鄉安祉村唐錫玠妻年二十六夫故矢志守節教子成名孫見龍武舉兆龍武生提學給額松筠延慶年八十卒

文氏建鄉安祉村唐錫理妻年三十夫故教子成名孫□

苑邑庠氏年七十二卒

廖氏建鄉安社村唐宏諄妻年二十三夫死守節撫孤年六十六卒

蔣氏建鄉安社村唐宏謀妻八歲過門未婚而夫死翁姑憐其少欲令改適氏矢志不移撫姪爲嗣現年六十二

馬氏建鄉安社村唐宏說妻年二十六夫亡立志守節撫子立現年五十五

劉氏建鄉安社村唐宏義妻年二十四夫死全節撫孤現年五十六

杜氏建鄉安社村唐宏誼妻年一十六夫故厲節撫孤現年五十四

全州志

卷之九 人物下

五十七

章氏建鄉安社村唐宏試妻年二十夫故苦志守節撫姪植藝爲嗣名入膠庠氏現年五十六

羅氏建鄉文塘村監生鮑錫位妻年二十八夫死撫子鮑鸞鮑鳳同年中武舉孫世瑞入泮兵部尚書彭給額鶴

齡松節年六十一卒

陳氏建鄉萬板橋羅紹宗妻年二十九夫死苦志孀居教子成名

杜氏建鄉山背村蔣大佑妻年二十六夫死撫孤守志現年六十

唐氏建鄉平岡頭尹載福妻年一十四夫死撫子成立現年六十八

唐氏恩鄉規頭儒士鄧增倬妻年二十五夫故遺腹子□  
□歲又亡氏飲泣茹苦孝事舅姑矢志守節現年五十  
唐氏建鄉石山脚蕭忠宜妻年三十夫死矢志守節教二  
子成立年八十卒

鄧氏建鄉五所劉德潤妻年二十八夫故撫子守節現年  
五十九

蔣氏長鄉祥福宅王定楷妻年二十夫故守志不移現年  
五十五

蔣氏長鄉百福村毓理女許字徐姓未嫁婿亡誓不再醮  
現年六十一

曹氏萬鄉龍水村蔣本讓妻年二十二夫死苦志貞守終  
全州志

卷之九

人物下

五十八

始不渝義方爲教子亦成立現年七十一人咸稱爲節  
壽

王氏廩生王抱素之女俞廷華之妻年二十七夫死勵志  
守節孝養翁姑撫姪爲嗣現年五十一

黃氏昇鄉大岡蔣榮喜妻年二十一夫亡無子氏誓志不移  
後公姑撫姪榮善爲嗣娶娣唐氏榮善歿氏撫唐氏子  
爲夫後復以大義諭唐氏與之同守鞠育遺孤翁姑喪  
塋亦皆如禮黃氏現年五十七唐氏現年五十一

姜氏昇鄉大岡蔣榮達妻年二十四夫歿氏甘心守節艱  
苦備嘗養老撫幼孝慈並著現年六十

蔣氏昇鄉硃塘唐維耀妻年十八未嫁夫故矢志守節艱

苦不渝學院費旌以義□栢舟現年六十有八

吳氏昇鄉竹塘蔣鍾滄妻年二十夫故冰霜自矢孝事翁姑教子成立現年五十六

萬氏昇鄉石岡處士蔣廷□妻年二十六夫故矢志守節養老育孤孝慈兼至學□費旌以勁節流輝年七十八卒

周氏恩鄉張之堯妻年二十四夫故育一子慮其孤弱撫弟長子獻斌以爲次子事姑孝敬教子謹嚴斌入泮學院李給額坤輿正氣現年八十一

唐氏石岡蔣時莊妻年十九夫故一子尋亡撫姪孫承祀現年七十二

全州志

卷之九

人物下

五十九

張氏石岡蔣上瑄妻年二十一夫故冰霜自矢撫姪承祀孝事孀姑現年五十六

胡氏蔣上瑄妻年二十六夫故子幼矢志守節孝養翁姑現年五十五

王氏恩鄉張之瑞妻年二十一夫故矢志守節撫姪承祀現年七十一

羅氏建鄉唐一增妻年二十四夫故守節現年七十八  
鄒氏建鄉鉄坑張榮佑妻年二十九夫故立志不二事姑教子現年六十四

趙氏建鄉鉄坑張宗贊妻年十九嫁月餘夫故矢志不移事姑孝謹教子衡列群庠州牧陳給節孝維風額年六

初死其姑唐亦早寡氏與姑苦節一室誓不再適撫姪  
爲子力貧孝養撫子年二十又死遺腹一孫氏辛勤鞠  
育孫年十六又死氏心力既盡節操彌堅晚撫別房子  
爲孫現年六十九

黃氏昇鄉稅場村庠生伍學曾妻年三十夫死家貧子幼  
誓志守節年五十子又死撫姪傳策爲子教督有方補魁  
庠生卒年七十有五

伍氏昇鄉洛圖村庠生黃昌妻年二十而寡家甚貧矢志撫  
孤教有義方現年六十餘子有小失猶鞭撻及之子名  
鶴舞乾隆戊申鄉薦

賓氏昇鄉稅場村伍孝彰妻年十六夫死無子苦志守節  
全州志

卷之九

人物下

六十二

撫姪爲嗣翁好施歲饑氏脫簪珥助翁賑粥姑卧病數  
年氏曲盡孝養孫家森補邑庠生現年八十有四

伍氏昇鄉靄嶺鄧廷才妻年二十夫故無子家貧無依矢志  
苦守事姑盡孝年六十四卒

伍氏昇鄉下宅田文鳳舉妻年二十一夫死矢志苦守撫  
姪爲子刻苦成立年八十二卒

蔣氏昇鄉湖碧村唐福獻妻年三十夫死守志遺二子支持  
鞠育教養有方卒年五十有八

文氏昇鄉祿豐宅胡雲勸妻年十七夫死栢舟自誓紡績  
自給撫姪爲嗣現年六十

伍氏昇鄉蚊潭村黃茂中妻事姑孝謹年二十四夫故守

志撫孤苦節四十年足不出戶庭雖親族罕見其面  
伍氏昇鄉蚊潭村黃掄升妻年二十五夫故冰霜白守孝  
事老姑撫孤成立現年六十

王氏恩鄉飲賓士槐女唐淳佑妻年二十于歸甫七月而  
夫故氏矢志靡他孝事孀姑撫嗣子成立年六十三卒  
費氏恩鄉小蒜林茂藩妻年二十九夫故守節撫孤現年  
六十二

鄧氏恩鄉大井頭王永淳妻自幼過門年二十未婚而淳  
死氏栢舟自誓撫姪爲嗣現年五十

曹氏萬鄉龍水蔣伯秀妻年二十三夫死無後家貧守志  
不二撫姪振皓爲子躬勤紡績以供朝夕年七十四卒

全州志

卷之九

人物下

六十三

謝氏萬鄉龍水蔣振軾妻年二十四夫死矢志不二撫姪  
爲嗣氏未字時父賜鎧爲博平縣令得危疾氏割臂肉  
和藥以進疾瘳親族爭道其事氏聞之曰事親有大於  
此者此何足道耶年七十一卒

袁氏龍水蔣振轍妻年十夫故守志不改撫姪爲嗣年  
七十二卒

蒙氏恩鄉唐甲雍繼室年二十二歸雍甫一月夫死矢志  
不移視前妻子大振如己出現年六十

王氏恩鄉唐甲坤妻年二十一夫故無子冰霜白矢躬勤  
紡績以供朝夕撫姪爲嗣現年七十七

顏氏東隅蔣竒相妻年二十夫死一子未週歲氏冰霜自

矢□事傭育各盡其道子輔廷入庠現年五十三

□氏昇鄉新塘村文裕彩妻年二十四夫故守志孝事翁姑撫育幼子舅姑喪葬皆如禮現年六十一

經氏昇鄉經玉磬長女年十八父母繼亡弟從龍尙幼氏矢志不嫁父母殯葬皆如禮掌理家事俾幼弟成立現年六十

蔣氏昇鄉鶴岡唐師偃妻年十八夫故守節撫姪承繼學憲給以筠操蔭茂匾現年八十

唐氏昇鄉竹塘蔣煥昌妻年十九夫死誓志守節教二子成立州牧陳題以松節鶴齡年八十五卒

蔣氏昇鄉大路下舉人光昌女硃塘唐維耀妻年十六婿

全州志

卷之九

人物下

六十四

亡氏倚夫嫂守節撫姪承祀現年六十八學憲重其貞節獎以義擬柏舟

蔣氏昇鄉水車村唐源德妻年二十五夫故守志不二節凜冰霜年八十八卒

張氏長鄉高田村唐楷林妻年十九夫死矢志不二撫孤成立翰林唐熙贈額瑤池瑞雪現年五十五

蔣氏西隅國學生曹文綽妻年二十一夫故家貧無子撫姪承祀艱辛備極始得成立現年七十三

谷氏長鄉石鼓劉昌標妻年二十一夫故無子氏倚仲嫂以女紅織紡度日飲冰茹蘗艱苦不渝現年六十四

氏宜鄉元甲村

妻年二十三夫死冰霜自矢孝

周氏長鄉石鼓劉昌藜妻年二十四夫死家貧守志終始不渝卒年七十一

曹氏長鄉高桂塘陳良琢妻年二十三夫故矢志守節力貧事姑教子成立年八十二卒

唐氏宜鄉魯塘學熙女受聘夫死甘心不字現年五十六  
唐氏萬鄉山陂村蔣惟琳妻聘定未嫁年十五琳故誓不適人現年五十二

李氏萬鄉山陂村蔣志安妻年十九夫故矢志守節卒年七十五

唐氏萬鄉山陂村蔣志文妻年二十夫故立志守節現年六十七

全州志

卷之九 人物下

六十五

李氏萬鄉山陂村蔣惟恩妻年二十一夫故守節現年六十九

蔣氏萬鄉山陂村正華女受聘夫死矢志不嫁年七十一卒

蔣氏萬鄉山陂村惟鸞女受聘夫死矢志不嫁年五十卒  
胡氏橋渡明經謝殿推子永康妻三載夫歿氏年二十三矢志靡他撫姪發桂爲嗣年七十六卒

唐氏萬鄉邕南城守唐彪女橋渡副車謝賜書子庭恂妻逾年夫歿矢志守節謹事公姑撫姪延昌爲嗣昌死昌妻蔣氏亦青年守節與姑同志今唐氏現年七十四

□氏萬鄉橋渡庠生謝庭□妻于歸四載恪死無子撫姪

五歲矢志守節事後姑以孝聞教子良鴻成立現年六十二  
唐氏恩鄉金堂村馬宏燈妻年二十三夫故家貧苦節撫  
幼子甲世遺腹子丙世成立現年五十二

王氏恩鄉金堂村馬世虎妻年二十八夫故子德有甫二  
歲艱難萬狀守節撫孤現年五十一

朱氏恩鄉鄧家埠廩生鄧林梓妻年二十九夫亡矢志守  
節撫四子成立署黽叅戎李給額白水青松現年八十四

彭氏建鄉大洲國學蔣之興媳嗣玠妻年二十三夫故撫姪

德昌承祧矢志守節督學于給額閨閣完人現年七十五

蔣氏長鄉白石村王定松妻年二十九夫故守節現年五十八

蔣氏昇鄉磔口唐遷漳妻生員思和母也年二十四夫亡

全州志

卷之九 人物下

六十七

苦志守節義方教子孝事舅姑年四十九卒

滕氏在城下北隅庠生滕煥長女幼許字袁氏子未嫁而

袁子卒守貞不字年七十學憲范給額曰勵節堅貞

鄧氏恩鄉白水村王一榮妻年二十九夫喪家貧無子撫

姪嘉湯承祧矢志守節學正蘇給額安貞之吉現年六

十四

蔣氏建鄉四所村唐鎭妻年二十五夫故無子撫姪承祧  
守節不渝現年七十一

謝氏建鄉四所村唐澤原妻年二十三夫故無子撫姪爲

嗣矢志守節現年五十

閻氏恩鄉茅埠武舉王元妻年二十九夫會試死于京氏

百計圖維迎夫櫬歸葬家產盡廢苦志守節晚年督子勤耕仍復舊業年八十一卒

劉氏建鄉元甲村闔文祐妻年二十九夫亡家貧姑老子幼氏仰事俯育脩嘗艱苦年八十二卒

曹氏建鄉四所村監生唐鑑妻年二十夫沒矢志守節孝敬翁姑卒年七十八

陳氏恩鄉武生蕭宏柄妻年三十夫故撫孤守志現年五十六

唐氏萬鄉武舉雷定元妻年二十九夫故撫孤守節孝事翁姑現年五十

謝氏任湖南糧儲道濟世女昇鄉大路下廩生蔣祚厚妻

全州志

卷之九 人物下

六十八

年二十五夫故無子撫姪承祀蔣家素寒氏苦節數十年嫁二女教子成立現年八十一

蔣氏昇鄉庠生祚厚女許字在城黃懷寶年十八懷寶死氏聞訃白母具衰經詣夫家持喪事舅姑以孝聞後撫姪存祀現年五十有九子本儉增生

蔣氏萬鄉小江尾寶之祥妻年二十二夫故守志現年八十二

李氏萬鄉大冲屋蔣仕廸妻年二十九夫故苦志守節現年五十一教子光熒成立

鄧氏恩鄉白水底唐邦鳳妻年二十六夫死守志不二現年六十八

賓氏昇鄉陂頭村伍輔照妻年十七夫亡守節孝事舅姑  
撫孤成立現年六十一

曹氏昇鄉稅場屋伍垂永妻年二十五夫亡守志孝事舅  
姑教子成立卒年六十一

陳氏昇鄉稅場屋伍璿禮妻年二十六夫故矢志守節事  
奉舅姑撫育孤子孝慈兼至現年六十六

黃氏萬鄉彰甲村蔣才浩妻年十九夫故守節仰事俯育  
孝慈並盡現年六十五

論曰關雎有作俗美南國故悅舒而不可感江永而不  
可方非夫文王之化曷克臻此夫世族名閥朝濡夕染  
其潔清慕義固足尙矣至於耳不聞共姜曹娥之蹟目

全州志

卷之九

人物下

六十九

不覩彰善旌淑之典內斷於心獨行其事歷九死而不  
悔甘荼苦以如飴不尤有難焉者乎雖天之與其貞性  
而亦由 國家之漸禮摩義所以潛移默化者深也嗚  
呼觀女之不爽而士之貳行者愧矣

流寓

宋

唐承裕其先中原人父旻唐光化任永州刺史爲湖南馬  
氏所據城陷死節承裕避地于桂宋開寶初仕至銀青  
光祿大夫擢知象州政聲著聞璽書屢加褒異今墓在

城西二十五里官道傍

一統志

梁惟簡紹聖二年除名安置全則□□

□及光縉雲人崇寧間遊湘因家焉爲宜州理曹黃庭□  
逐居宜州當路畏禁毋敢往來及先獨與之游甚密□  
堅大書折桂亭三字贈之且曰君有盛德其後必昌數  
世科第果盛 舊志

仇愈字忝然益都人第進士授邠州司法後加寶文閣學  
士陝西都轉運使時金人無故歸侵疆計叵測愈力陳  
非策秦檜方主和謫愈居全州 舊志

胡寅字明仲崇安人宣和進士歷起居郎以直言謫遐荒  
後寓清湘聞帥司爲曹成所襲作五言詩四首次年遊  
礪巖有五言古十二韻又有悼亡別記 舊志

明

全州志

卷之九 人物下

七十

張廷綸平南人天順四年進士時兩廣弗靖諜報某村落  
附賊叅將范信列村落名欲屠者識以白圈否者黑當  
死者無慮數千人實皆良民公以進士家居夜叩軍門  
告變信出見公曰聞將軍欲翦屠村落耶曰然公曰不  
可信拂然曰聞公剛腸疾惡今乃欲爲附賊地耶公曰  
不然民實不附賊公無過聽且公奉天子命將彌寇以  
安民今乃誣民以爲寇民不死於寇卽死於兵等死耳  
將從賊以苟活是驅民從賊也亂且弗戢信曰公敢保  
此曹不從賊乎公曰願以家族百口保之信大屈服立  
下令寢其事且拜公曰數千人死命賴公而生信有□  
□公而免敢拜公賜後爲南京戶部主事徑□□□

巡倉御史罷官歸寓全州 舊志

舒綱字朝舉世家宣城因先世戍南丹遂爲賓州人宏  
間綱鄉薦計偕有友人以金託途遇盜裝資罄洗獨所  
金在抵京以金歸其友友訝之曰聞公被盜金何得存  
綱曰幸此在也授湖廣永州司訓永人好鬼白當道盡  
毀淫祠轉海陽教諭後家於全以曾孫應龍貴贈南兵  
部尙書 舊志

梁國相賓州人隆慶庚午舉人歷任雲南雲南府知府從  
征有功政多卓異寓全州崇祀鄉賢 臬憲朱旌以完名全節

李璧字白夫武緣人寄居全州登宏治乙卯鄉試初領教  
蘭谿復教仁和陞知劍州丞臨安陞戶語員外郎璧斤

全州志

卷之九 人物下

七十一

斤慕古嘗蒐輯三禮詣大常求觀樂器躬自歲定咸有  
成書學宮科貢題名石釋奠議鍾鼓銘無不釐正所至  
喜與賢士大夫游如都少卿穆張布政言邵尙書寶康  
諭德海呂大常柟張尙書懋湛尙書若水許給事相鄉  
陳府尹良器各有稱述 舊志

論曰賢人君子猶物之麟鳳也在昔麟遊於郊鳳巢阿  
閣聖世尙以爲瑞況賢人若子之惠然肯來乎宜後人  
之誌其遺軌也然或非其產而引以爲重或生其域而  
無得而稱且諱其姓氏者豈繫異人亦視其所樹立兩  
已

仙釋

□

金真姓周氏號宗慧郴州人父鼎官尙書母熊氏唐開□  
十六年生幼參徑山禪師卽自立禪關昕夕跏趺不問  
寒暑遊羅浮歸省其母母設鷄黍食竟趨至江許出□  
洗之至德初遊湘源創居湘山一日謂徒衆曰大劫將  
至可易衣冠未幾武宗詔汰僧尼緇流無漏網者惟其  
徒獲免咸通八年二月十日端坐逝年一百三十二歲  
遺蛻在湘山寺妙□塏歷代謚爲慈祐寂照妙應禪師  
又稱無量壽佛 省志

柴侯名崇趨唐時守河北邢州後聞湘源覆釜山有僧號  
無量壽慕其道行來從之遊僧稱之曰柴君及旣入滅

全州志

卷之九 人物下

七十二

忽積雨暴漲溪水湍急有大木自覆釜山湧出大陂江  
已而泝流復上五里夜聞空中有聲云吾是柴君欲於  
此建廟鄉民以其木刻神像祀之號柴君祠宋初州境  
有寇侯現神兵列城壘賊由是望空潰紹興元年孔彥  
周曹成犯境侯復顯靈如初賊懼而退隆興元年十月  
勅賜顯祐廟額嘉定十年五月勅封威信侯洪武五年  
夏五月大旱知府章復詣廟祈禱甘澍隨應復請乞令  
本州官每年六月六日致祭廟始剏於大陂廣安門外  
者其行祠云 舊志

尹氏女性不事鉛飾居小洞煉丹大歷二年上昇後人於

□□紫潭上建尹氏觀至今丹竈存焉 省志

宋

雷隱翁名本馮翊人。世客湖外，因家於全。翁常業進，棄去終日默坐，或誚其癡，答曰：「癡猶勝黠。」一日以醫術授其子國仲，曰：「汝盡心於此，遂出遊不返。」元祐間有朝士關姓者遊羅浮，見一人坐松下，神宇軒秀，異之，問何許人，答以姓名，則翁也。且曰：「他日過湘源，可訪吾子孫。」乃指以歸路。俄頃至家，後爲廣西計官，道全訪其後，得曾孫鑑，因白於帥，用爲廉州醫官。舊志

石霜慈明本州人，姓李，名楚圓，祥符二年出家湘山，隱靜寺。其母遣之遠遊，聞汾陽道昭，遂往謁焉。見卽蒙其器異，留侍七年，辭去。依唐明嵩禪師，忽念母老，南歸。旣復

全州志

卷之九 人物下

七十三

出遊至瑞州，留居洞山，依聰禪師。三年乃遊仰山，宜春太守黃宗旦請開法南源。三年棄去，久之定居石霜嗣汾陽昭禪師法席。舊志

伍元龍，昇鄉江村人。理宗朝由太學生舉孝廉，授祕書省校書郎。與時相史彌遠忤，掛冠歸里。途遇異人授修煉術，及歸隱於甌山，因以自號。修真養性數十年，築壇於山巔，遇歲旱祈禱，輒應。年九十有二，鶴髮童顏，健如少壯。羽化後，族人立祠肖像以祀。至今水旱祈求，無不響應。遠近咸被其澤焉。

能仁者，宋賜號曰紫衣禪師。初悟道居全山，後因建能仁寺。明正德末，移寺於州南岸。舊志

□ 濂萬鄉人允復七世祖嘗入山採藥遇異人傳道術遂棄家寓本鄉福仙觀密室修煉逢節會族人邀宴無不赴顧身猶在觀中天順六年歲大旱祈禱弗應州守蔣順以禮敦請至州城焚符良久曰雨不可得奈何固以請乃曰我公爲民請命一念之誠可以感格願借粵王潭水三尺以甦田禾復焚符擊劍旣而雲布雨如注俯瞰江潭果涸三尺云後尸解去

融虛禪師名眞宗四川定遠人壯年雲遊至永明心見性得上乘之禪宗篤志修行悟不二之妙法首闢湘山寺大振宗風人咸欽之及化身日諸僧誦經舉火弟子如

全州志

卷之九 人物下

七十四

果見火化至胸猶諷大乘經不息遂叩師曰乞留遺衣鉢以示後人師始擲魚子下壇瞑目坐化年八十有奇時崇禎甲戌也

永福志

論曰名宦鄉賢忠孝節烈扶世翼教光昭典冊尙矣其有志存利濟或用貲財或以方伎均之仁心爲質裨益宏多抑其次也志仙釋者何爲乎毋亦昌黎所謂好怪而惟怪之欲聞乎舊志旣載聊復存之而附辨於此若柴伍二君者澤及鄉里是謂有功德於民又未可概以相量也